

四庫全書

史部

欽定四庫全書

史部

福建通志卷十七

詳校官監察御史臣陳化龍

檢討臣德生覆勘

總校官檢討臣何思鈞

校對官典簿臣劉景岳

謄錄監生臣沈毓鳳

欽定四庫全書

福建通志卷十七

封爵

閩僻界南服非戰爭之地自騶無諸及搖以夏肄
之餘助漢蹙項酌勲啟封遂有南土不數傳而江
淮徙戶閩地為墟延及孫吳以訖於唐代有胙封
是不一姓然皆末運人微無足述者陳元光父子
三世德造於閩至今漳湖之民猶歌舞之他如王

審知之綏輯牧寧廟食人祖留從効陳洪進之不
忘起家順天歸命莫不息兵寧人一方比賴由此
觀之爵位何常惟忠貞不渝威惠兼著者始克保
世承家盟於帶礪至於後嗣弗率黠帥怙權覆墜
之機有如影報廢興之際盖有土若斯之難也我
國家混一區寓式遏亂畧

聖祖仁皇帝神聖英武削平三藩出閩人於湯火之內數
十年來海疆寧謐民不知兵閒訪釣龍逸事騎馬

雄圖穆然但見山丹而水碧蓋天下之平久矣列
紀甌越開宗以及

本朝爵邑亦如齊晉燕趙列於世家為胙土命氏者
之法戒云志封爵

福州府

漢閩越王無諸越東海王搖

越王勾踐之後也姓騶氏秦并天下廢為君長以其

地為閩中郡及諸侯叛秦無諸與搖率越歸番君吳芮從諸侯滅秦當是時項羽主命不王之漢擊項籍無諸與搖率越人佐漢伐楚高帝五年復立無諸為閩越王王閩中故地都東冶無諸卒郢繼立
孝惠

三年舉高帝時功曰閩君搖功多其民便服
迺立搖為東海王都東甌世號曰東甌王

郢無諸之子初孝景三年吳王濞反欲從閩越未
肯行獨東甌從及吳破東甌受漢購殺吳王丹徒吳

王子子駒亡入閩越怨東甌殺其父屢請擊之建元
三年閩越發兵圍東甌東甌使人告急天子天子遣
中大夫嚴助發會稽兵救之未至閩越引兵去六年
閩越興兵擊南粵南粵守天子約不敢擅發兵而以
聞漢多南粵義遣大行王恢出豫章大司農韓安國
出會稽兩道擊之兵未踰嶺郢發兵距險其弟餘善
與宗族謀曰漢兵衆強即幸勝之後來益多滅國乃
止今殺王以謝天子天子罷兵國完不聽乃力戰不
勝即入海皆曰善即殺郢遣使者奉王頭上符璽請
所立恢等便宜案兵告大司農使使奉王頭馳報天
子詔罷兩將軍兵以繇君丑獨不與謀迺
使中郎將立丑為越繇王奉無諸祭祀

丑

無諸孫閩越別封於繇曰繇君既立為王餘善以殺
郢威行國中民多屬遂竊自立為王繇王不能制上
聞之曰餘善首誅郢師得不勞因
立餘善為東越王與繇王並處

餘善

郢之弟元鼎五年南粵反餘善上書請以卒八千
從樓船將軍擊南粵相呂嘉等兵至揭陽以海風
波為解不行持兩端陰使南粵及漢破番禺樓船將
軍楊僕請引兵便擊東越上不許令屯豫章梅嶺以
待命明年秋餘善聞楊僕請誅之漢兵留境遂發兵
距漢道號將軍騶力等為吞漢將軍入白沙武林梅
嶺殺漢三校尉自稱武帝退保泉山既更徙處南行
去泉山五百里居大澤中朱買臣言於帝請發兵浮
海直指泉山陳舟列兵席捲南行可破滅也上遣橫
海將軍韓說出句章浮海從東方往樓船將軍楊僕
出武林中尉王溫舒出梅嶺越候為戈船下濶將軍
出若邪白沙擊之元封元年冬入東越繇王居股殺

餘善以
其衆降

居股

繇王既殺餘善以降上以閩地阻悍數反覆改封居股東成侯萬戶詔軍吏皆將其民徙處江淮間

東越地
遂虛

粵衍侯吳陽

陽前在漢漢使歸諭餘善餘善不聽及橫海軍至陽以其邑七百人反攻越軍於漢

陽餘善誅封
陽為卯石侯

粵建成侯敖

敖與居股謀殺餘善餘善誅封敖為開陵侯

吳孫亮

永安三年黜為侯官侯夫人隨之國居侯官

東晉孔坦

咸和中封晉安男

劉宋柳元景

沈慶之

孝建中俱封
晉安郡公

晉安王子勛

孝武第三子大明四年封食
邑二千戶泰始二年伏誅

周盤龍

泰始三年封晉安郡晉安
縣開國子食邑四百戶

晉平王休佑

文帝第十三子初封山陽王泰始四年改
封六年以休佑貪虐不可涖民留京邑卒

謚曰刺七年追免為庶人凡十三
子並徙晉平郡元徽元年聽還都

原豐縣侯宣彥

休佑次子泰
始末封尋免

齊晉安王子懋

武帝第七子初封江
陵公建元四年進封

晉安王寶義

字智勇明帝長子建武元年封
梁受禪封巴陵郡王諡曰隱

晉安郡王寶寅

字智亮明帝第六子建武初封後改封鄱陽王中興二年謀反奔魏

晉安王綱

武帝第三子天監五年封大寶元年入即位是為簡文帝

晉安郡王方智

元帝子承聖元年封紹泰元年自潯陽入即位是為敬帝

陳寶應

侯官人父羽為郡雄豪梁時晉安數反累殺郡將羽初煽惑成其事後復為官軍鄉導破之由

是郡兵權由已出侯景之亂晉安太守賓化侯蕭雲以郡讓羽羽令寶應典兵侯景平元帝以羽為晉安太守陳武帝輔政羽請歸老求傳郡於寶應武帝許之紹泰三年封侯官縣侯武帝受禪授閩州刺史領會稽太守文帝即位加其父光祿大夫仍命宗正錄其本系編為宗室寶應娶留異女為妻侯安都之討異寶應遣兵助之又資周迪兵糧出寇臨川及都督章昭達破迪文帝因命討寶應詔宗正絕其屬籍寶

應據建安湖際逆拒昭達昭達深溝高壘不與戰但
命為犂俄而水成乘流放之突其水柵寶應衆潰執

送京師斬
建康市

陳晉安王伯恭

字肅之文帝第六
子天嘉六年封

唐福王綰

順宗第五子
永貞元年封

王潮

字信臣光州固始人父恁世業農潮為縣史唐末
僖宗入蜀羣盜起壽春人王緒劉行全攻陷固始

聞潮及弟審邽審知俱材勇召從軍中以潮為軍正
是時蔡州秦宗權方募士以益兵緒以光壽二州籍
附焉乃以緒為光州刺史他日責租賦於光州緒不
能應宗權怒發兵攻緒緒懼與行全拔衆南走悉舉
二州兵渡江轉掠江洪虔州光啟元年陷汀漳有衆
數萬緒以道阻糧少令軍中無得以老弱自隨犯者

斬時潮兄弟扶其母以從緒切責潮曰吾聞軍行有法無不法之軍對曰人皆有母不聞有無母之人緒怒命斬其母潮曰潮等事母如事將軍既殺其母安用其子請先母死將士皆為之請乃止會母死不敢哭夜殯道左有望氣者謂緒軍中當有暴興者緒潛視部將有勇畧及氣質魁岸者多因事殺之衆懼軍次南安潮說前鋒將劉行全曰吾屬棄墳墓妻子而為盜者為緒所脅耳今緒雄猜將吏之材能者必死吾屬不自保朝夕況欲圖成事哉行全大悟與潮相持而泣乃選壯士伏篁竹間擒緒緒自殺衆推行全為將軍辭曰我不及潮請以為主潮固辭不克迺除地刺劍祝曰拜而劍三動者奉以為主至其弟審知拜劍躍於地衆以為神羅拜之審知讓潮自為副潮令於軍曰今天子蒙難當出交廣入巴蜀以獎王室遂引兵將還光州戒其屬所過秋毫無犯行及沙縣泉州人張延魯等以刺史廖彥若貪暴帥耆老奉牛

酒迎潮潮圍泉逾年克之遂有其地福建觀察使陳
巖表潮為泉州刺史大順二年巖病召潮欲授以軍
政未至而巖卒其壻范暉自稱留後潮遣從弟彥復
為都統審知為都監攻之經年不下白潮罷兵潮報
曰兵盡益兵將盡益將兵將盡吾當自往彥復等懼
親犯矢石破之暉棄城走為將士所殺潮入城自稱
留後素服葬巖以女妻其子延誨厚撫其家汀建二
州皆舉聽命潮盡有五州地是歲唐即以潮為福建
觀察使黃連洞蠻圍汀州潮遣兵擊破之閩地畧定
乃遣僚佐巡州縣還流亡勸農桑定租稅交好鄰封
保境息民閩人安之乾寧三年唐以福州為威武軍
拜潮為節度使檢校尚書左僕射四年卒贈司空弟
審知嗣
為節度

王審邽

字次都唐乾寧元年權泉州事三年實授四年
加工部尚書五年加金紫光祿大夫檢校戶部

尚書光化二年加兵部尚書瑯琊郡開國男三年加左僕射進封開國侯尋授威武軍節度副使天復二年加司空三年加司徒進封開國伯食邑七百戶在政十二年為人喜儒術通春秋善吏治流民還者假以牛犁興完廬舍中原亂公卿多來依審邽如右省常侍李洵翰林承旨知制誥兵部侍郎韓偓中書舍人王滌右補闕崔道融大司農王標吏部郎中夏侯淑司勳員外郎王拯刑部員外郎楊承休弘文館直學士楊贊圖王偁集賢殿較理歸傳懿等皆入閩賴以免禍因遣子延彬作招賢院禮之尋卒諡曰武肅長子延彬唐天祐初審知為瑯琊王奉詔三品以下得自除授乃墨勅延彬權知泉州軍州事二年實授梁開平三年加金紫光祿大夫轉右僕射封瑯琊郡開國男尋轉司空四年加雲麾將軍乾化二年授特進階加檢校太保進封開國伯五年加檢校太傅開國侯貞明四年閩王簡授管內三司發運副使次子

延鈞後唐天成元年以節度行軍司馬檢校太傅權
泉州刺史後殺延翰而自立僭號改元三子延美閩
龍啟二年刺泉州四子延武閩永和元年刺泉州尋
加太傅進開國伯至閩王昶通文元年移刺建州延
彬子繼崇後唐長興元年閩王墨勅權判泉州事三
年加檢校司空閩龍啟元年加檢校太保進封瑯琊
郡開國男又有繼嚴繼業繼勲皆王氏羣從先後皆
刺泉州繼勲延鈞仲子後為留從効所迎立者也
王審知字信通狀貌雄偉隆準方口出入常乘白馬軍
中望之披靡號白馬三郎初唐以王潮為福建
觀察使潮以審知為副使有過失猶加箠撻審知無
怨愠色及潮寢疾捨其子命審知權節度事讓於審
邽不許詔審知檢校刑部尚書節度觀察使留後始
潮未入閩閩人謠曰潮水來巖頭沒潮水去矢口出
巖謂陳巖也矢口知也審知既為觀察留後厚事朱
全忠光化元年全忠薦審知為節度使同中書門下

平章事昭宗在鳳翔賜審知朱詔自三品皆得承制除授天祐初進封瑯琊郡王唐亡梁開平三年加中書令進封瑯琊王尋封閩王升福州為大都督府是時楊行密據有江淮審知歲遣使泛海自登萊朝貢於梁審知雖起盜賊而居身儉約好禮下士常躡屨履府舍卑陋未嘗營葺寬刑薄賦公私富實境內以安一時知名士如唐相王溥子淡楊涉從弟沂唐進士徐寅輩皆依審知仕宦建學四門以教閩士之秀者招來海中蠻夷商賈海上黃崎波濤為阻一夕風雨雷電震擊遂成為港閩人以為審知德政所致號為甘棠港梁亡或勸其自建國審知曰寧為開門節度不作閉門天子後唐同光三年卒年六十四諡忠懿

五代王延翰

字子逸審知長子審知卒後唐同光四年拜延翰節度使是歲莊宗遇弒中國多故

延翰取史記閩越王無諸傳示其將吏曰閩自古王國也不王何待於是軍府將吏上書勸進延翰遂自稱大閩國王宮殿百官皆倣天子之制而猶稟唐正朔延翰為人壯偉美皙如玉妻崔氏淫而悍延翰不能制審知喪未期已徹几筵多選良家子為妾崔氏性妬良家子之美者輒幽之別室繫以大械刻木為人手擊其頰又以鐵錐刺之一歲死者八十餘人崔氏病見祟而死初延翰立驕淫殘暴蔑棄兄弟出其弟延鈞為泉州刺史延翰選良家子時延鈞上書極諫不悅由是有隙建州刺史延稟本姓周審知養子也自審知時與延翰不協因與謀作亂十二月合兵襲福州延稟先至梯城而入執延翰暴其罪惡斬於門外延鈞至延稟納之推為威武留後

王延鈞

審邽次子也既立更名鱗後唐天成二年拜鱗節度使累加檢校太師中書令三年封閩王初

延稟與鱗之謀襲福州也延稟先執延翰而殺之明日鱗兵始至延稟自以養子推鱗而立之延稟還建州鱗餞於郊臨訣謂鱗曰善繼先志無煩老兄復來鱗啣之長興二年延稟為奉國節度使聞鱗有疾遂率兵攻其西門使其子繼雄將水軍襲南門鱗遣樓船指揮使王仁達拒之仁達伏甲舟中偽立白幟請降繼雄喜登舟伏發刺殺繼雄梟首西門延稟衆潰見執鱗曰子不能繼先志果煩老兄復來遂殺之延稟子繼昇守建州聞敗奔錢塘鱗乃遣其弟都教練使延政如建州慰撫吏民後唐即拜延政為建州刺史長興三年止書請授尚書令不報遂絕朝貢鱗好鬼神道家之說道士陳守元巫者徐彥林與盛韶等以左道見信誘鱗建寶皇宮極土木之盛以居守元守元謂鱗曰寶皇命王少避其位後當為六十年天子鱗欣然遜位命其子繼鵬權主府事既而復位遣守元問寶皇六十年後將安歸也守元傳寶皇語曰

當為大羅仙人四年有言真封宅龍見者鱗更命其宅曰龍躍宮遂詣寶皇宮受冊備儀衛入府即皇帝位國號閩改元龍啟追諡審知為昭武孝皇帝廟號太祖立五廟置百官以福州為長樂府閩地狹小國用不足以中軍使薛文傑為國計使文傑多察民間陰事致富人罪而籍沒其資以佐用榜莖之外至用銅斗火熨又說鱗抑挫宗室犯者輒殺之閩人及宗室子皆重足而立從子繼圖不勝憤恚謀反坐誅連坐千餘人文傑又言於鱗曰陛下左右多奸臣非質諸鬼神不能知也薦妖巫徐彥輩察之文傑與內樞密使吳英有隙英病在告文傑省之曰主上以公久疾欲罷公近密適聞僕言公但小苦頭痛行將愈矣上或遣使來問慎勿以他疾對也明日使巫視英疾巫言於鱗曰適見北廟崇順王訊吳英曰汝何故謀反以金鉗擊其首鱗以語文傑文傑曰未可信也宜問其疾何如英果以頭痛對即收下獄命文傑劾治

英自誣服並其妻子殺之英嘗典閩兵得軍士心聞英死皆怒先是建州有吳光者文傑利其財將治之光率衆萬人叛入吳至是光請兵於吳吳信州刺史蔣延徽引兵攻建州鱗遣其將王延宗救之兵在道不肯進曰不得文傑不能討賊鱗惜不與太后及福王繼鵬請與之以紓難乃以檻車送文傑軍中文傑善術數自占過三日可無患送者聞之故疾馳二日而至軍士磔文傑於市閩人爭投以瓦石嚮食立盡明日鱗使赦之已不及初文傑為鱗造檻車謂古制疎濶乃更其制形如木櫃攢以鐵芒內嚮動輒觸之既成而首被其毒云龍啟三年改元永和王仁達有擒延稟之功典親兵鱗心忌之嘗問仁達曰趙高指鹿為馬以愚二世果有之耶仁達曰秦二世愚故高指鹿為馬非高能愚二世也今陛下聰明朝廷官不滿百起居動靜陛下皆知敢有作威福者族滅之而已鱗慙賜以金帛退謂人曰仁達智畧在吾世猶可

用不可遺後世患卒誣以罪而殺之鱗妻早卒繼室
金氏賢而不見答審知有婢金鳳姓陳氏鱗嬖之遂
立為后作九龍帳以居之初鱗嬖吏歸守明以色見
俸號歸郎鱗後得風疾金鳳與歸郎通百工院使李
可殷者又因歸郎以進國人歌曰誰謂九龍帳惟貯
一歸郎鱗婢李春燕有色其子繼鵬烝之鱗病繼鵬
因金鳳以求春燕鱗怏怏與之次子繼韜怒謀殺繼
鵬繼鵬懼與皇城使李做圖之永和元年十月鱗饗
軍大酺殿坐中昏然言見延稟來做以鱗病已甚乃
令壯士先殺李可殷於家明晨鱗力疾視朝詰可殷
死狀做出與繼鵬率皇城衛士鼓譟而入鱗匿九龍
帳中亂兵刺殺之未殊宮人不忍其苦為絕之遂殺
繼韜及金鳳歸郎鱗在位十年
見殺諡曰惠皇帝廟號太宗

王繼鵬
鱗長子既立更名昶改元通文以李做判六軍
諸衛事做自念有弑君之罪而專制朝政心常

自疑陰養死士以為備。昶患之，因大饗軍，伏甲擒倣殺之。昶首朝門，詔暴倣罪，告諭中外。倣部曲千人燒啟聖門，奪倣首，奔吳越。錢氏晉天福二年，昶遣使朝貢京師。高祖遣散騎常侍盧損冊封昶為閩王，拜其弟繼恭臨海郡王。昶以已既襲為帝，不受冊。稱疾不見。令弟繼恭主之，損還昶無所答。繼恭遣其佐鄭元弼隨損貢方物，致書晉大臣，述昶意，求以敵國禮相往來。高祖怒，下詔暴其罪，歸其貢物。兵部員外郎李知損上書請沒其物，而禁錮其使者。於是下元弼獄。獄具，引見元弼，俯伏曰：「昶處荒徼，不知禮義，陛下方示大信，以來遠人。臣將命無狀，願伏斧鑕，以贖昶罪。」高祖乃赦元弼，遣歸。昶亦好巫，拜道士譚紫霄為正一先生，又拜陳守元為天師，信重之。更易將相，刑罰選舉皆與之議，受賂請託其門如市。嘗教昶作三清臺三層於禁中，以黃金數千斤鑄寶皇及元始天尊太上老君像，晝夜作樂焚香禱祝，冀得大還丹，妖

人林興以巫見幸事無大小興輒以寶皇語命之而後行祖忌其叔延武延望三年夏虹見宮中興託神語曰宗室將為亂乃命興率壯士殺延武延望及其子五人後興事敗亦被殺祖愈惑亂立父婢春鶯為淑妃尋立為后百役繁興用度不足有司除官皆令納賂籍而獻之以貨多寡為差又遣鑿人陳究以空名堂牒賣官於外民有隱年者杖背隱口者死逃亡者族果菜雞豚皆重征之祖弟繼嚴判六軍諸衛事疑而罷之以季弟繼鏞代閩初以太祖元從為拱宸控鶴二都祖更募壯士為腹心號宸衛都賜予獨厚於他軍控鶴都將連重遇拱宸都將朱文進皆以此怒激其軍祖好為長夜飲強羣臣酒醉則令左右伺其過失從弟繼隆醉失禮斬之叔父延義陽為狂愚以避禍祖衣以道服幽於私第數侮拱宸控鶴二軍將天福四年北宮火祖疑重遇軍士所為內學士陳郊素以便佞為祖所親信祖語以火事郊以告重遇

重遇懼夜率衛士縱火焚南宮昶挾愛姬子弟黃門衛士斬關而出宿於野次重遇迎延義立之延義令其子繼業率兵襲昶及之射殺數人昶知不免擲弓於地繼業執而殺之併其妻子皆死無遺類諡昶曰宗康

王延義

晉鑄大鐵錢以立更名曦改元永隆遣使朝貢於昶王侯每抑折之曦亦憚侯不敢有所發新羅遣使聘閩以寶劍昶舉以示侯曰此將何為侯曰不忠不孝者斬之義居旁色變曦既立新羅復獻劍曦思侯前言而侯已死命發塚戮其尸侯面色如生血流被體是年秋曦自稱大閩皇冬復稱帝泉州刺史余廷英嘗矯曦命掠取良家子曦怒下御史劾之廷英進買宴錢千萬曦曰皇后貢物安在廷英又獻皇后錢千萬乃得不劾曦嘗嫁女朝士有不賀者笞之御史

中丞劉贊坐不糾舉將加咎諫議大夫鄭元弼切諫
曦謂元弼曰卿何如魏鄭公乃敢強諫元弼曰陛下
似唐太宗臣為魏鄭公可矣曦喜乃釋贊曦弟延政
為建州節度使封富沙王與曦不協數舉兵相攻曦
由此惡其宗室多以事誅之曦妻李氏捍而酗酒賢
妃尚氏有色而寵李仁遇曦甥也以色嬖之用以為
相國計使陳匡範增募商之法以獻曦曰匡範人中
實也已而歲入不登其數乃借於民以足之匡範以
憂死其後知其借於民也剖棺斷尸棄之水中曦常
為牛飲羣臣侍酒醉而不勝有訴其私棄酒者輒殺
之諸子繼柔棄酒殺其贊者一人他日又宴侍臣皆
以醉去獨翰林學士周維岳在曦曰維岳身甚小何
飲之多左右曰酒有別腸曦欣然命剖視之左右曰
殺維岳無人復能侍陛下劇飲者乃止諫議大夫黃
峻昇觀詣朝堂極諫曦怒貶峻漳州司戶叅軍校書
郎陳光逸上書疏曦過惡五十餘事曦命衛士鞭之

百不死以繩繫頸挂於木久乃絕連重過弑昶懼為國人所討與朱文進連姻以自固曦心疑之常以語誚重過等重過等流涕自辯李氏妬尚氏之寵欲圖曦而立其子亞澄乃使人陰謂重過等曰上心不平於二公柰何重過等懼六年三月曦出遊醉歸重過遣馬步使錢達拉於馬上殺之諡曰景宗

王延政

審知子晉天福六年延政請於曦欲以建州為威武軍自為節度使曦以建州為鎮安軍延政為

為節度使封富沙王延政改鎮安為鎮武數以書諫曦淫虐曦怒遣杜建崇監其軍延政逐之曦乃起兵攻延政為延政所敗鎮武判官潘承祐屢請息兵脩好延政不從曦使者至延政語悖慢承祐長跪切諫延政怒顧左右曰判官之內可食乎承祐聲色愈厲延政即於建州建國稱殷改元天德以承祐為吏部尚書楊思恭為兵部尚書同平章事時國小民貧軍旅不息思恭增山澤田畝之稅魚鹽蔬果皆倍征之

承祐復上書言十事甚切直延政削其官爵勒歸私第連重遇既殺曦集閩羣臣告曰昔太祖武皇帝親冒矢石遂啟有閩及其子孫淫虐不道天厭王氏百姓與能當求有德以安茲土羣臣皆莫敢言乃掖朱文進升殿率百官北面而臣之文進以重遇判六軍諸衛事王氏子弟在福州者無少長皆殺之以黃紹頗守泉州程贇守漳州許文鎮守汀州稱晉年號時開運元年也泉州軍將留從効因州人共殺紹頗送首建州迎王繼勲為刺史漳州人聞之亦殺贇迎王繼成為刺史以歸延政文鎮懼舉汀州降延政遂得三州地福州裨將林仁翰殺重遇并斬文進傳首建州二年閩之故臣共謀迎延政歸福州南唐李景聞閩亂發兵攻之延政以方有唐兵未暇徙都遣其從子繼昌守福州令指揮使王仁諷將兵衛之賞仁翰甚薄仁翰不自言其功發兩軍甲士萬五千人詣建州以拒唐兵初光州人李仁達浦城人陳繼珣俱叛

延政奔福州二人至是不自安說仁諷殺繼昌仁達欲自立懼衆不附以雪峰寺僧卓嚴明示衆曰此非常人也被以袈裟率諸將吏北面臣之延政聞之族仁諷家命統軍使張漢真將水軍會漳泉兵討之漢真至福州嚴明無他方畧但於殿上喫水散豆作諸法事而已仁諷聞其家誅滅開門力戰執漢真斬之仁達自判六軍諸衛事使仁諷屯西門繼琦屯北門仁諷從容謂繼琦曰吾叛富沙非忠人以從子託我而與人殺之非信與建兵戰所殺皆鄉曲故人非仁棄妻子使人魚肉之非義因拊膺慟哭仁達聞而殺之由是兵權盡歸仁達乃大閱戰士令軍士突前刺殺嚴明衆共推仁達使居嚴明之坐自稱威武留後奉表稱藩於李景亦遣使入貢於晉景以仁達為威武軍節度使更其名曰弘義及景兵攻破建州延政遂降景景遷其族於金陵以為饒州節度使進封鄴陽王是歲南唐保大四年也南唐將查文徽與樞密

使陳覺勸景乘勝并取仁達覺曰臣能不兵而致之
景以覺為宣諭使召仁達入朝仁達不從覺還至建
州矯發汀建信撫州兵攻之時樞密使魏岑安撫漳
泉聞覺起兵亦發兵應覺景怒翰林學士馮延巳等
言兵已行不可止乃以王崇文為招討使王建封為
副使益兵會之以中書舍人馮延魯與魏岑陳覺監
其軍仁達懼遂送款於吳越錢氏時吳越王錢佐鏐
之孫元瓘之子也立時年十三諸將皆少之佐乃立
黜其大將之不法者由是懾服會仁達求救於佐佐
召諸將與計皆不欲行佐奮然曰吾為元帥乃不能
舉兵耶諸公皆吾家所蓄士敢有異議者斬乃遣統
軍使張筠趙承泰等率兵三萬水陸赴援遣將誓軍
號令整肅大敗景兵延魯等遁去獲其將楊業蔡遇
等遂取福州而還遣兵戍之佐立七年卒贈忠獻王
國人立佐弟悰尋被廢乃立倣
倣使佐子昱守福州後歸於宋

宋福王與芮

理宗弟咸淳三年由榮王進封

益王

度宗長子母楊淑妃封為吉王德祐二年正月元兵逼臨安進封益王判福州陳宜中等奉為

天下兵馬都元帥廣王昺副之開府福州發兵除吏以秀王與釋為福建察訪使先入閩中撫吏民諭同姓檄召諸路忠義同獎王室五月朔即位於福州改元景炎是為端宗

興化府

泉州府

陳南安王叔儉

宣帝子

五代留從効

永春人幼孤事母兄以孝悌聞頗知書好兵法晉天福末朱文進殺閩王曦據位署

其黨黃紹頗為泉州刺史從効時為泉州散指揮使與王忠順董思安等議曰吾屬世臣王氏令其子孫為文進魚肉我等坐視可謂忠乎乃置酒從効家募死士陳洪進等五十二人持白挺乘夜入城劫庫兵擒紹頗斬之立審邽孫繼勲為刺史從効等三人自署為統帥洪進等皆為指揮使繼勲令洪進送紹頗首於建州奉延政為主文進來攻從効大破之會李景兵至延政降南唐從効亦以兵劫繼勲送之金陵自領泉州漳二州留後景即建泉州為清源軍授從効節度泉州漳等州觀察使累遷同平章事兼侍中中書令封鄂國公晉江王從効在郡專以勤儉養民知人疾苦恒衣布素置公服中門側出乃服之嘗言我世貧賤不可忘本郡人愛之部內安治王氏有二女適人從効奉之甚謹資給豐饒每歲取進士明經謂之秋堂周世宗征淮南李景以兵十萬保紫金山從効累表言頓兵老師形勢非便既而果敗江北之地盡

為周有因遣牙將蔡仲贊為商人以帛書表置革帶中自鄂路送欵於周又遣別駕黃禹錫間道表貢世宗嘉納從効又乞置邸京師世宗以其素附江南慮非便且是時與李景畫江為界遂不納從効臣景如故會景遷洪州從効疑其徙地近閩且圖已頗懼遣從子紹錡賫厚幣獻景宗初上表稱藩遣使假道吳越入貢太祖特命使者入閩賜撫之使未至從効疽發背卒景贈從効大尉靈州大都督

謝圖南

同安人以才兼文武舉歷官封開國男食邑本縣

宋陳洪進

仙遊人幼有壯節頗讀書習兵法及長以材勇聞隸兵籍從攻汀州先登補副兵馬使從

畱從効殺黃紹頗王繼勲使麾下送紹頗首於建州衆以道阻賊威憚不敢行洪進獨請往至尤溪賊衆數千遮道洪進給賊曰福泉二州已為義師所襲爾輩復為何人戍守即持紹頗首示之曰我送此建州

迎嗣君歸國爾輩將安歸乎賊遂潰渠帥數人皆聽命洪進至建州延政大悅以為本州馬步行軍都校既而遣歸泉州及延政入江南景以從効為清源軍節度使洪進為統軍使與副使張漢思同領兵柄累立戰功從効卒少子紹鑑典留務月餘洪進誣紹鑑將召吳越人以叛執送江南推漢思為留後自為副使漢思年老醇謹不能治軍事事皆決於洪進漢思病其專因大饗將吏伏甲謀殺之酒數行地忽大震棟宇垂傾坐立皆不自持同謀者以告洪進洪進急起衆驚悸散漢思見事不成慮洪進先發常嚴備之洪進子文顯文顥皆為指揮使勒所部欲擊漢思洪進不許一日從二子常服安步入府叱散直府兵時漢思方處內齋洪進即出袖中巨鎗反閉之使呼於邸門曰郡中軍吏皆欲陳君知留務衆情不可違當以印見授漢思猝不知所為出印門隙與之洪進即召將校吏士告之曰張公老矣授我以印使我領郡

事衆皆賀洪進遷漢思別墅以兵守之請命於江南
李煜煜以洪進為清源軍節度泉州南等州觀察使時
宋太祖平澤潞下揚州取荆湖威震四海洪進心懼
遣衙將魏仁濟間道奉表自稱清源節度副使權知
泉州等州軍府事且言張漢思年老不能御衆請臣
領之恭聽朝旨太祖遣通事舍人王班賫詔撫諭建
隆四年遣使兩入朝貢乾德二年制改清源軍為平
海軍授洪進節度泉州漳等州觀察使檢校太傅賜號
推誠順化功臣鑄印賜之以文顯為節度副使文顯
為漳州刺史及江南平吳越王入朝洪進不自安遣
文顯入貢太祖因詔召之遂入覲至南劍州聞太祖
崩歸鎮發哀太宗即位加檢校太師明年入朝朝延
遣翰林使程德元至宿州迎勞之既至賜錢千萬白
金萬兩絹萬疋增其食邑洪進遂上言願以所管泉
漳永郡獻於有司太宗優詔嘉納以洪進為武寧軍
節度使同平章事留京師奉朝請諸子皆授近郡賜

白金萬兩各令市宅六年封杞國公雍熙元年進封岐國公洪進年老富貴且極上言求致仕優詔免其朝請二年以疾卒贈中書令諡曰忠順

廣王曷

度宗第三子初為信王德祐二年進封廣王判泉州尋進封衛王端宗崩陸秀夫奉帝嗣位時

年八歲改元祥興既而徙居厓山陸秀夫負之投海是為帝昺

國朝鄭鳴駿

遵義侯

鄭纘緒

慕恩伯

施琅

靖海侯世襲事詳泉州人物傳

漳州府

明陳秀

字文崑海澄人崇禎末封武剛伯順治初歸順正黃旗世襲阿達哈哈番

國朝陳輝

字燦珠海澄人明崇禎末封忠靖伯明亡後遂率所部歸誠總督李率奏請於朝封慕仁

伯

黃梧

一等海澄公世襲一十二次詳人物傳

黃芳度

梧長子襲封一等公以死事追

封王爵
諡忠勇

黃芳世

梧從子襲一等海澄公詳人物傳

黃芳泰

芳世胞弟承襲一等

海澄公加太子太保

黃應纘

芳度子襲封一等海澄公

黃廷

慕義伯

周全斌

承恩

伯

延平府

劉宋南平王休元

文帝第二子元嘉十六年封

齊南平王銳

高帝第十五子

南平郡王寶修

字智宣明帝第九子建武元年封二

年改封邵陵王中興二年謀反賜死

建寧府

劉宋建安王休仁

文帝第十二子元嘉二十九年封

齊建安王子真

武帝第九子

陳建安王叔卿

宣帝第五子大建四年封

宋建王脊

太祖六世孫秀王偶之子紹興五年封建國公三十年進封建王高宗禪位是為孝宗

建安郡王禕

太祖十一世孫福王與芮之子初賜名孜淳祐十一年封建安郡王理宗立為皇太

子後即位
是為度宗

邵武府

汀州府

宋彭孫

連城人封隴西郡開國侯食邑千六百戶

元羅良

長汀人元至正間散資募士捕殺漳州山寇提兵解福州圍以功陞福建右丞兼廣東道宣慰

司都元帥特授資政大夫進封晉國公

國朝劉國軒

長汀人天津總兵封缺伯贈太子少保

福寧府

臺灣府

永春州

國朝林興珠

建義將軍
建義侯

龍巖州



福建通志卷十七

欽定四庫全書

福建通志卷十八

學校

學言教也校者教也古者建國君民教學為先蓋
王化之始基士遊其間所由明倫育德陳藝以底
於成胥是道也閩自唐李椅始勸民學常觀察繼
之大興學校每歲貢士與中州齒至宋而海濱四
先生出楊羅李朱接踵挺生閩南道學匹瀛洛而

上接洙泗由是觀之學校之關於人才非細眇也

我

國家

列聖相承首重學校頒卧碑飭士子廣勵學宮意良厚矣
我

皇上臨雍訪道崇

聖追封前後

錫扁立碑光騰庠序比復頒定經書詳定禮樂祭器木

鐸所徇山陬海濱儒風丕振閩士生今宜何如奮
勵以副作人之化也夫規模大備則德意旁敷禮
器既陳則景行倍切詩有云鼓鐘於宮聲聞於外
言名實之相應也履斯地者尚亦畏神服教而無
忝章逢哉志學校

福州府

福州府儒學

在城南興賢坊中為大成殿左右兩廡
殿之南為戟門又南為櫺星門門內左為

更衣所為名宦祠右為齋宮為鄉賢祠學在廟之東
中為明倫堂堂左右為四齋曰志道依仁據德游藝

南為儀門門外為泮池上跨石橋下通三元溝潮沙
出入焉橋之南為大門東為宰牲房為奎光閣西為
神厨為常衮祠堂之北為尊經閣又北為啟聖祠祠
路從堂西南門折而入堂東北為米廩為饌堂東為
教官宅五所為諸生學舍敬一亭在堂之東南勒明
世宗敬一歲併范浚心箴程頤四箴凡六碑射圃在
堂之東北有亭額曰觀德云先是唐學官在今布政
司西觀察使李椅始移於此宋轉運使楊克讓郡守
范亢許宗壽王祖道教授常濬帥守王鎔吳革元憲
使趙宏偉教授劉直陳俊屢有增建明洪武四年燬
於火七年知府楊士英建後知府唐珣胡有恒巡撫
龐尚鵬御史陳永復提學熊尚文相繼修葺國朝
康熙十一年重建大成殿三十年明倫堂為颶風
折壞三十二年總督興永朝巡撫卞永譽重建三十
八年督撫司道府縣紳士重建尊經閣教官宅今僅
存二所諸生學舍俱廢雍正元年奉文府州縣學啟

聖祠俱改為崇聖祠八年布政使潘體豐申請督撫重修大成殿泮額歲試取進文武童各二十名

科試取進文童二十名雍正元年特恩加泮額一次府學及大縣學俱七名中縣學俱五名小縣學俱

三名乾隆元年特恩加泮額一次大學中學小學名數如前學祖順治五年派定一十七兩八錢康

熙二十一年總督姚啟聖捐置學田五十七畝六分五十六年巡撫陳瓊捐置學田一百一十四畝九分

零坐產侯官縣六都七都

四旗清書官學

在閩縣板平巷雍正六年設立

閩縣儒學

在九仙山之麓中為大成殿殿南為戟門又南為櫺星門明倫堂在大成殿後其門

東向左右二齋曰居仁由義教官宅在學宮之後尊經閣在教官宅之北諸生學舍米廩饌堂皆備焉學

初創於宋慶厯間後知縣方叔完莊誼修之元至元間燬學官丁堯新之其後縣尹吳鼎張德教諭陳振玉學官高子琳蔣景說明御史陳仲述副使李惟益御史陳永復丁澄顧儼尹仁僉事鍾斌知府鄭時唐珣相繼修葺國朝順治十八年縣令周雍時移縣治於學宮概行毀廢僅存文廟明倫堂歲久傾圮康熙二十年知縣祖寅亮教諭顧綸贊請於上官合紳士同力捐修併移建文昌閣教諭宅左明倫堂右訓導宅在明倫堂左雍正元年奉文建崇聖祠在大成殿右九年知縣張堂署縣同知楊瑞祥教諭黃呈元訓導黃席正申請上官重修大成殿泮額原歲試取進文武童各十五名科試取進文童十五名雍正二年奉文准照府學歲科兩試各取進文童二十名學田原額一千八百四十八畝一分零坐產鼓山合北二里實徵學租銀五百三十三兩二錢三分零康熙二十一年總督姚啟聖捐置田二十六

畝二分零五十六年巡撫陳瓚捐置田八書院曰龍
十六畝一分零坐產高惠歸善崇賢等里峯書

院在左三坊康熙四十八年巡撫張伯行建設捐置
田業以供諸生膏火五十年御賜三山養秀扁額

雍正九年巡撫趙國麟重修增設學舍廣集生徒親
臨講學雍正十二年奉文給帑金千兩以資膏火巡

撫盧焯課督實社學曰振文在舊縣前街之北曰河
行士習以端東在天津坊德貴巷曰普文在

易俗里曰昌際在天津坊溫泉坊內曰鼇峯在左三
坊曰崇正在喜壽坊曰龍臺曰長橋曰沙合俱在嘉

崇里曰藤山在時昇里今俱廢雍正音書院一在法
正二年新設在南關外文昌鋪海寺一

在華林寺雍正
七年奉文設立

侯官縣儒學在縣治東官賢坊內右為文廟戟門外
有泮池左為明倫堂堂之北為尊經閣閣

下為養賢堂其東又有閣曰奎文齋舍廨宇皆備焉
先是學創於宋慶厯間知縣方叔完莊誼修之元景
定間燬於火縣尹鄧衍新之割縣東地以闢西廡其
後縣尹魏揚祖明知縣姚德布政使周頤教諭羅倫
御史丁澄鎮守尚書薛希璉知府唐珣胡有恒提學
熊尚文相繼修葺國朝康熙十九年督學孫期昌
知縣姚震同紳士捐修文廟雍正元年奉文建崇
聖祠在文廟左八年知縣陳克嵩重修洋額取
進名數視闔縣學田原額三百六十五畝九分零
實徵學租銀六十二兩三錢五分零康熙二十一年
總督姚啟聖捐置田三十八畝六分零五十六年巡
撫陳瓊捐置田六十三畝七分零坐產闔縣崇賢歸
善二書院曰共學書院在西門街北舊懷安縣學明
里萬厯間併入侯官改今名順治間重修康熙
四十五年巡撫李斯義修葺學舍延師課士於其中

一時文風稱盛焉曰登雲書院在登雲坊內曰道山書院在烏石山麓曰拙齋書院在三山驛前曰三山書院在西關外西湖之上曰古靈書院在古靈溪旁曰瓜山義學在十二都以上惟共學書院存餘俱廢

社學

曰博文曰實文俱在右三坊曰文林在閩山廟巷曰應文在右一坊曰懷西在保定營曰懷南

在善化坊曰懷東在將軍山南曰越峯在華林坊今俱廢雍正二年新設在文儒坊鋪

正音書

院

一在共學書院一在文儒坊鋪雍正七年奉文設立

長樂縣儒學

在縣治東興賢坊內中為大成殿殿西為明倫堂東為崇聖祠祠前為敬一亭亭

前為名宦鄉賢祠齋舍廡宇皆備焉射圃在學西南山塔下有觀德堂堂前為正志軒學建於唐乾符間至宋元祐始備其制明知縣任衡羅叙王渙龍琰蔣以忠夏允彝相繼修闢國朝順治四年燬於寇六

年重建教官宅僅存未燬者一所云 泮額取進名
數視閩縣學田明知縣吳遵括廢寺田園六百六
十四畝三分輸之學隨為里胥侵沒知縣蔣以忠復
之 國朝順治間遷界田荒康熙間復界陸續報墾
二百五十一畝四分零實徵學租銀五十一兩九錢
五分零二十一年總督姚啟聖捐置田三十一畝三
分書院曰德成書院曰龍峯書院俱在方安里曰藍
零書院田書院在十六都曰南山書院在塔旁曰鳳
岐書院在社學曰高隍在縣治西曰河陽在平政門
十五都 阜林在二十都雍正二年新設 正音書院在城中雍正
二所一在古縣鄉一在厚福鄉 立 文設

福清縣儒學

在縣治東右為大成殿左為明倫堂殿
南為東西廡為戟門為櫺星門門左右為

名宦鄉賢祠堂南為東西序為儀門為泮池堂左為崇聖祠齋舍廡宇皆備焉射圃在明倫堂倉後有亭曰觀德學建於宋元豐初邑人提舉游冠鄉所捐地也後知縣方叔完劉敦曹進副使程文海知州毋達辰賈思恭州判乃麻歹皆修葺焉至正九年知州林泉生乃更正其制明僉事牟俸知縣龐琬邑人都御史陳仕賢知縣督應元葉夢熊許夢熊歐陽勁相繼增修國朝康熙二十一年重葺三十九年邑人封奉政大夫李日燦重建泮額取進名數視閩縣學田原額二百五畝零實徵租銀二十二兩三錢六分零康熙二十一年總督姚啟聖捐置田五十畝五分書院曰龍江書院在海讀書院在縣東福唐里曰社學曰蒙亨在北隅後坡石塘書院在縣西丈興里曰養端在西門曰西塘在官塘邊曰崇文曰擢英俱在南隅場前曰永安在南隅鄭巷曰文在在縣前曰仰高在南下隅曰玉

井在北隅上井曰中峯在光賢里
雍正二年新設在城北明德書院
正音書院在明倫堂左奎

光閣雍正七年奉文設立

連江縣儒學

在縣治東南東為文廟名宦祠鄉賢祠
在戟門左右崇聖祠在廟後西為明倫堂

為稽古閣堂南為泮池泮池之外為鳳池學宮後有
尼山射圃在其西隅學初在縣治東宋嘉祐間知縣
朱定創之紹興間始移今所淳熙八年邑人鄭鑑言
於令蘇懋改其制南向其後知縣趙汝訓鄭沆元縣
尹爪爾佳德明成和教官徐復平章楊珠布哈秘書監
貢師泰明叅政蔡潮知縣歐陽瀚凌玉璣郭軒向鎬
張賢教官鄭嗣善馬子健相繼修建萬厯間尚書吳
文華言於有司大葺之崇禎間燬於火國朝康熙
十一年重建後又圯於風十七年復重修雍正二年
署縣張兆鳳三年知縣劉良璧五年知縣彭之曇相

繼修葺 洋額原歲試取進文武童各十二名科試
取進文童十二名雍正二年奉文准照大學歲科兩
試各取進文童十五名 學田原額五十四畝零邑
人吳文華捐置嗣因遷移報荒復界後實存田四十
五畝二分零年徵租銀一十九兩三錢一分零康熙
二十一年總督姚啟聖捐置田一十三畝四分知縣
王仁灝捐置田三畝八分零教 社學 在縣治東雍正
諭富懋業捐置學租六百斛 內 學 在縣治東雍正
內 正音書院 在縣治朱文公書院內
雍正七年奉文設立

羅源縣儒學

在縣治東南西為大成殿殿南戟門左
右為名宦鄉賢祠殿後為崇聖祠左為明

倫堂齋舍廡宇皆備馬射圃在縣治右學始於宋慶
厯間知縣陳偁建舊在四明寺南知縣袁符始移今
所其後主簿廖睨邑人黃序教諭林興祖元縣尹丁
德孫明教諭黃綬典史謝志保知縣湯文端陳瓊同

知韋濟知縣麥瑾李南徐珪訓導柴琬知縣鄧公善
吳周相繼修葺國朝順治間知縣李彥珂康熙間

知縣張四維蔡彬王楠教官林岱張昇蔡璧鄭沂先
後修建洋額歲試取進文武童各八名科試取進

文童八名學田實在二十九畝八分零年徵租銀
三兩六錢康熙二十一年總督姚啟聖捐置田一十

一畝二分
社學曰縣東曰拜井曰梅溪曰善化曰招賢
曰臨濟曰新豐曰徐公曰羅平曰林洋

曰黃童俱以里名今廢雍正二年新設三
所一在薦行舖一在大獲舖一在聖壇舖
正音書院

在縣城內雍正
七年奉文設立

古田縣儒學

在縣西隅右為文廟名宦祠在戟門東
鄉賢祠在戟門西左為明倫堂齋舍廡宇

皆備焉射圃在學旁學始於宋景德間知縣李堪建
紹興中燬於寇知縣周邦耀移創西郊其後屢移至

寶祐二年知縣許鑒始定今所明知縣鄧恭主簿龔
鉞御史羅澄教授周瑄知縣汪璫縣丞吳儀副使楊
澤知縣屠容御史李如奎胡文靖同知葉符知縣周
遠劉倫知府胡有恒知縣楊存禮教諭葉宗舜知縣
劉曰暘相繼增建國朝順治三年燬於寇後知縣
吳來儀建之至康熙二十年又加修葺泮額歲試
取進文武童生各八名科試取進文童生八名學
田原額一百三十一畝七分零實徵學租銀二十一
兩三錢康熙二十一年總督姚書院曰溪山書院在
啟聖捐置田二十六畝六分縣北有朱熹扁
曰溪山第一曰浣溪書院在八都曰螺峯書院在九
都曰崇正書院在南門外以上惟溪山書院存餘俱
廢曰玉泉書院在園關社學在杉洋村雍正二年新設
國朝運同陳大輦建社學在杉洋村雍正二年新設
在一保玉堂坊左雍正二年奉文設立

屏南縣儒學

在縣治東中為

大成殿殿前儀門左右

有興賢坊育才坊萬仞宮牆雍正十二年建
額歲試取進文武童各八名科試取進文童八名
正

音書院

在城內雍正十二年設立

閩清縣儒學

在縣治東南中為

大成殿明倫堂在殿

景德間知縣史溫建其後元縣尹董禎賈光祖明知
縣趙起居沈源朱毅葉宗泰辛節左輔俞咨龍教諭
馬能葉春及相繼修建國朝雍正六年知縣何琬
捐修泮額名數視羅源縣學田原額二百三十

五畝實徵學租銀二十三兩五錢五分康熙二
十一年總督姚啟聖捐置田十七畝八分零

社學

在城南文昌閣

正音書院

在文昌閣雍正七年奉文設立

永福縣儒學

在縣治東西為大成殿殿南戟門左右為名宦鄉賢祠東為明倫堂堂南為泮池

射圃在東門外學建於宋崇寧初建炎間燬於火知縣陳炎新之其後屢燬知縣謝芑許衍侯至果舒復宗元縣尹竇均邑人張居中屢修建之至理問王翰始復其舊明知縣王舉胡奎譚顯劉清張良佐鄭信陳克侯訓導龔烈相繼修葺國朝康熙十三年重修泮額取進名數視羅源縣學田原額三百三

十九畝四分零又山十號年共徵租銀三十五兩一錢二分零康熙二十一年總督姚啟聖捐置田二十

畝三社學在南關外雍正音書院在文昌祠內雍正分正二年新設七年奉文設立

興化府

興化府儒學

在府城內東南中為文廟左為崇聖祠右為齋沐所東西為兩廡廟之南為戟門

門內東為祭器庫西為樂器庫戟門之南為櫺星門
門內東為名宦祠合志祠西為鄉賢祠休公祠學在
廟之西中為明倫堂左為尊經閣其下忠恕堂閣前
為敬一亭右為會文樓其下饌堂樓後為教授訓導
二宅明倫堂前露臺泮池廣橋東志依仁二齋西
據德游藝二齋西齋後訓導三宅橋前為大門門外
東為文昌宮西為土地祠路左聖域高第二坊右賢
關名鄉二坊路南為指南所立號房四十間射圃在
城西門內洞橋先是宋太平興國中始置興化軍咸
平中郡人著作郎方儀捐居宅偕陳詡等構正殿肖
聖賢像紹興中教授徐士龍改為軍學後知軍汪作
礪趙彥勵張友教授陳應言俞來元教授曹志宗眉
年學錄黃烈經歷黃棠屢有增修明洪武初知府蓋
天麟重建為府學後御史尹仁副使劉琦僉事陳祚
知府張瀾岳正潘琴同知孫蘭通判孫旼教授王鏞
先後增建修葺嘉靖末燬於倭郡人御史林潤奏給

帑金下知府易道談重建後知府林有源推官殷宗
器相繼復修國朝康熙七年教授張可仰重修正
殿兩廡十三年遭寇蹂躪二十一年知府蘇昌臣重
修兩廡廟門名宦鄉賢合志林公四祠明倫堂尊經
閣聖域賢關二坊通判湯傳楷重修學門及會文樓
雍正元年貢生林時邁捐貲修葺文廟其高第名
卿二坊指南所號房及西齋後訓導三宅今俱廢射
圃舊在望海門外為居民所侵明正統中僉事李正
修復之成化中知府岳正徙於迎仙門內弘治中知
府王弼改今所以迎仙門內之射圃與縣學萬厯中
知府李大欽即於其地建明宗書院乃標射圃之名
於西偏國朝康熙三年知府李英改為平海衛學
其望海門外舊址久廢為兵房泮額取進名數視
福州府學田原額實在二十八畝一分零年徵租
銀一十四兩六錢國朝順治十五年守道蘇弘祖捐
置田六畝四分康熙二十年遊擊王友銑捐置田六

畝三分二十一年總督姚啟正音書院在平海衛學
聖捐置田一十八畝五分零雍正七年奉

文設
立

莆田縣儒學

在府城內西南中為文昌祠又左為教諭訓導二宅廟

內東西為兩廡南為戟門門外泮池池中有詠歸亭
又南為櫺星門學在廟之西中為明倫堂為儀門門
外西為土地祠東為甬道至大門大門外路北轉為
萬仞宮牆坊射圃在府城西迎仙門內先是莆田縣
學宋紹興中附於軍學之廟東元至順二年始徙今
所明洪武元年知縣任益重修後鎮守尚書薛希璉
御史丁澄副使錢璉知府張濶丁鏞王弼陳效馮馴
黃一道同知吳亮知縣顧思敬王文焯劉玘陳統王
常許鑰教諭程鳳儀訓導朱應畿先後增建修葺嘉
靖末燬於倭知府易道談知縣徐執策重建隆慶元

年知府徐元氣以本學有梅峯襟帶之水環抱府治轉入泮池以出於城外命縣丞平衡開濬之萬厯間知縣蔡善繼李時榮相繼修葺復濬環溝推官殷宗器重修正殿國朝康熙二年教諭黃琮重修十三年遭寇蹂躪二十一年通判湯傳楷重修明倫堂其射圃舊有官廳及號房二十一間今廢二十四年知縣莫家楨重修戟門三十九年知府徐希聖知縣金臯謝重修正殿兩廡提督吳英重修櫺星門雍正六年知縣劉靖重葺泮額原歲試取進文武童各十五名科試取進文童十五名雍正二年奉文准照府學歲科兩試各取進文童二十名學田原額實在四百九十六畝五分零年徵租銀八十二兩七錢三分零又田二十一畝三分零又原平海衛歸併田實在一十畝一分零年共徵租銀九兩三錢順治十五年守道蘇弘祖捐置田六畝三分康熙二十年總督姚啟聖捐置田十一畝三分零

書院

曰涵

江書院在府城外東北延壽里曰明宗書院在府學
射圃地曰考亭書院在衛署東曰水南書院在黃石
紅泉宮曰瑤臺書院在景德里曰壽澤書院在涵江
虎坡山曰珠壩書院在府城外東南十里厝壩曰鍾
山書院在奉谷里臚江曰崇正書院在塘下塔山曰
吉江書院在吉了城內今惟涵江水南二書院尚存
餘俱義學一在鳳山寺一在梅峯寺一在平海衛學
廢一在佐妙觀國朝知府蘇昌臣建又一
在涵江書院一在水南社學一在文昌宮一在朱子
書院知縣莫家楨建祠一在重興寺俱雍正
二年正音書院一在城萬壽宮一在黃石臨清舖一
新設在涵江紫陽書院雍正七年奉文設
立

仙遊縣儒學

在縣治南中為文廟東西為兩廡東廡
之南為祭器庫東廡之北為樂器庫廟北

為崇聖祠廟南為戟門門外左為名宦祠右為鄉賢祠前為泮池池之左為文昌宮鄉賢祠之右為土地祠泮池前為櫺星門門之東為學大門南向從櫺星門內泮池前橫道轉西向北為學儀門門內甬道露臺臺之北為明倫堂堂後為退省軒軒後為尊經閣閣之左為敬一亭明倫堂之右為教諭訓導宅射圃在學南南湖鴈塔之西中有觀德堂先是學在縣西宋咸平初縣尉段全遷建今所紹興間邑人知端州陳可大倡修知縣謝天民成之後知縣趙公綢陳景肅趙與泌屢有增建元至正中燬於寇縣尹任興重建明知縣周從善提學周孟中楊子器知府王弼推官殷宗器知縣顧思敬王彛宋華趙鸞張昂徐廷綬游瑚莫天淳署縣教諭歐陽潘知事何滔教諭譚子敬張侗相繼修葺國朝順治十年教諭鄭煥重修康熙二十二年教諭黃知經復倡修其尊經閣敬一亭今廢泮額取進名數視莆田縣學田原額實

在一百四畝七分零又田三百八十二畝三分零又國朝順治十四年守道蘇弘祖捐置田一十五畝
年共徵租銀一百四十五兩九分零康熙二書院曰
十一年總督姚啟聖捐置田一十四畝零

正書院在縣北福神觀邊曰朝天書院在中岳街曰崇正書院在縣城外南三里許曰會心書院在塔斗

山曰樂育書院在善化里今俱廢社學明萬厯三年知縣徐觀復立

龍門下西曰順則在城隍廟前南曰尚志在崇勲祠邊北曰養正在朱文公祠內今俱廢雍正二年新設

二所一在東野亭一在草草堂正音書院一在縣城內一在連江里

平海衛儒學在府城內西洞橋頭中為文廟左為崇聖祠右為齋沐所東西為兩廡廟之南為

戟門又南為櫺星門門外截使華坡從西南水關入城之水為泮池學在廟之東中為明倫堂前為大門

後為教授宅先是明初令衛所子弟就附近儒學考校正統五年指揮王茂奏准自立衛學天順中提學游明建廟學於衛城中成化十二年郡人教諭宋叔昭奏准近衛民生附入衛學嘉靖末學燬於倭廟僅存萬厯初守道宋豫卿重建國朝順治十八年遷沿海居民於內地學署暫寓府城文昌宮康熙三年知府李英以府學射圃明宗書院地創建今學十七年裁衛學諸生歸併莆田縣學學田原額實在一十畝一分零國朝順治十五年守道蘇弘祖捐置田四畝一分零今併入莆田縣學

泉州府

泉州府儒學

在城南育材坊中為大成殿殿前兩廡南為戟門又南為櫺星門門外橋曰洙泗

橋泉曰夫子泉殿左為明倫堂堂前後建號房四十餘間堂南為儀門門外有方池以通巽水堂後為議

道堂神厨庖廩之屬悉在戟門西其東為尊經閣閣之東為崇聖祠西為敬一亭而名宦鄉賢二祠與崇聖祠前後相望射圃在其前先是五代時學在崇陽門外宋太平興國中始遷今所明嘉靖萬厯間知府俞咨伯實子偁次第修之國朝康熙十二年同知來承祉二十一年知府蔣毓英相繼增修雍正二年知縣葉祖烈教授陳起蛟紳士黃呈元等倡捐重修泮額取進名數視福州府學田原額二百六十畝五分坐產同安縣奇江庄順治十八年全遷康熙二十一年總督姚啟聖捐置田一十三畝七分零知府蔣毓英捐置書院曰泉山書院曰石井書院義田一十畝三分零書院曰歐陽書院曰一峯書院

學

一在府城東
一在府城西

晉江縣儒學

在行春門外左廟右學殿廡齋堂悉備殿前二坊左曰賢闕右曰聖域殿後為崇聖

祠東為射圃宗鄭國公梁克家捐故宅為之明僉事
陳祚知府張嵩知縣李侍問前後增修國朝康熙
五十二年邑人施世騄倡捐重新泮額原歲試取
進文武童各十五名科試取進文童十五名雍正二
年奉文准照府學歲科兩試各取進文童二十名
學田明祭酒蔡清捐置原額二百五十七畝八分零
存二百九畝九分零年徵租銀三十二兩四錢六分
零二十一年總督姚啟聖義學原設講堂在龍頭山
捐置田一十畝二分零雍正六年知縣唐孝
本增設在南門社學一在青陽市一在安平鎮一在
外寶海菴書院石獅亭一在法石街一在雒陽
社一在河市街俱正音書院一在城內百源庵一在
雍正二年新設城內鐵爐舖一在城南
承天寺一在城西奉聖舖
俱雍正七年奉文設立

南安縣儒學

在城東二里黃龍溪左為文廟及兩廡右明倫堂翼以兩齋門外有二坊曰義路

禮門又有應奎毓秀坊文昌閣見龍亭石刻源頭活水四字在泮池上先是學建縣治西宋紹興中知縣

劉孔修移建今所元至正十四年燬十七年移廟於縣治東二十二年攝學錄周異觀請還建舊所明知

縣羅安余慶黃濟唐愛夏汝礪相繼增修國朝順治間知縣祖澤茂康熙間知縣劉翊劉佑重修泮

額取進名數視晉江縣學田原額山塘六十四畝二分零實徵租銀一十六兩六錢六分康熙二十一

年總督姚啟聖捐置田一十三畝五分零雍正九年諸生陳士鈞捐充修理文廟田七畝二分零義

學

一在城南社學一在武榮舖一在潘山舖一在仕一在城北墓鄉一在黃龍鄉一在埔頭鄉一

在竹坑鄉一在金菓鄉一在彭內鄉一在格外鄉一在黃埔鄉一在浯洋鄉一在官園鄉一在羅溪鄉一

在洪瀨街一在長嶺鄉一在王塘埔鄉一在玉華街
一在洙淵鄉一在石跳鄉一在官田鄉一在娘仔橋
鄉一在溪尾街一在霞美鄉一在深坑鄉一在塘上
鄉一在大營街一在文斗店鄉一在朴兜鄉一在蒲
淶鄉一在青石宮
俱雍正二年新設
正音書院
在城中武榮甫雍
正七年奉文設立

惠安縣儒學

在縣治左左學右廟前有杏壇旁列二齋
泮池在戟門外堂北即尊經閣後改為饌

堂名宦鄉賢兩祠在崇聖祠左右射圃在朝天門外
先是明倫堂在殿後明成化十九年知縣張桓始擇
高爽地易之其後知縣虞坤同知于茂提學楊子器
知縣萬夔莫尚簡丘民仰皆有增易泮額取進名
數視晉江縣學田原額四十畝國朝順治間奉
遷康熙二十年復界開墾田三十三畝實徵租銀五
兩五錢一分零二十一年總督姚社學
啟聖捐置田一十四畝七分零
塘曰馬瓏曰鼇

上社曰蘇坑今俱廢雍正二年新設十三所一在絃歌鋪一在登墉鋪一在慶泉鋪一在黃田鋪一在盤龍鋪一在前郭鋪一在瓊田鋪一在埔林鋪一在通津鋪一在崧林鋪一在驛坂鋪一在樟柿鋪一在王孫鋪

正音書院

在明倫堂後雍正七年奉文設立

同安縣儒學

在縣治東南隅登龍坊右為文廟崇聖祠在文廟北左為明倫堂附以兩齋堂

後為尊經閣東立朱熹祠西立射圃及名宦鄉賢二祠先是學建於五代末宋建隆間他徙紹興十年始定今所及朱熹以主簿來官請書九百八十五卷藏之設講座為之銘併四齋銘明洪武初知縣呂復重建其後僉事陳祚縣丞劉珣器知縣張遜縣丞張啓知縣趙汝弼教諭陸佶提學邵銳通判吳嶽提學游明推官柯漢知縣鄧一相洪世俊屢闕國朝康熙間教諭黃允芳劉驥良訓導陳聲遠重加修葺

額取進名數視晉江縣學田原額四百八十五畝
零順治十八年奉遷復界後尚未報墾康熙二十一
年總督姚啟聖捐置田四畝八分
零教諭黃允芳捐置田三分零
書院曰大同書院曰文公書院

曰浯江
書院社學曰擢賢曰福星曰桂林曰藍田曰湖山
曰平林曰丹砂曰劉山曰白礁今俱廢

雍正二年新設四所一在灌口墟一在馬家港一在金門所一在廈門所
正音書院在朱文公

祠雍正七年
奉文設立

安溪縣儒學在縣治東南東為大成殿西為明倫堂
及兩齋堂之左為教官廨崇聖祠與名宦

鄉賢祠皆備先是宋咸平間學建於縣治西南宣和
間遷縣治東至紹興十三年始定今所明嘉靖間僉
事余曠知府程秀民知縣王漸造以民地益之其後
知縣蔡常毓馮時鳴高金體泉州衛經歷孫文質知

縣王用予皆有增建國朝康熙二年同知來承社
重修十二年又加葺焉洋額取進名數視晉江縣

學田原額實在八畝二分年徵租銀三兩康熙
二十一年總督姚啟聖捐置田九畝九分零書院

曰紫陽曰鳳社學曰侍御曰彙征曰會元曰石堂曰
山曰養正羅洋曰厚安曰浦墘曰獅子曰真

覺曰官橋曰赤嶺曰橋頭曰下湯曰歸湖曰楊舍曰
吳庄曰源口曰上杭曰溪尾曰店尾曰官前曰崎兜

曰苦乾曰東坑曰郭坂曰上房曰在槐曰霞川曰藍
田曰進德曰南斗曰玉湖曰杉洋曰多卿曰舉溪曰

淨忠今俱廢雍正二年正音書院在在坊里文昌書院
年新設在崇善里內雍正七年奉文設

立

漳州府

漳州府儒學

在府治東南中為大成殿左右兩廡南為戟門又南為櫺星門殿東北為崇聖祠

殿西為明倫堂堂前為泮宮坊南為儀門上冠以文昌閣又南為大門門外為泮池下有溝通潮汐焉堂東為名宦祠西為鄉賢祠堂後為教授宅敬一亭訓導宅在殿之東射圃在殿後先是宋慶厯間建於州治吳隅政和間移於州左紹興間知州事李彌遜改慶厯故址其後朱熹趙汝讀修之嘉定癸未災知州事鄭昉重建其後章大任傅伯壽傅璽李勲元總管張泉逸教授高元子達嚙噶齊鴈爾詹伯明知府白壽王仲謙錢古訓教授張驥僉事陳祚屢有修建景泰七年明倫堂火天順二年知府謝騫重建後同知傅佐知府張瓚姜諒僉事任彥常知府劉瀚陳洪謨龍溪知縣林松同知劉志學推官鄧士元知府羅青霄方學龍閔夢得相繼修葺國朝順治十二年明倫堂齋舍燬於寇康熙二十一年總督姚啟聖通判

胡宮重建明倫堂文昌閣儀門大門修崇聖祠及大成殿兩廡四十年知府趙完璧復加修葺其諸生號廟兩廡四十四年知府趙完璧復加修葺其諸生號舍尚有待云 泮額取進名數視福州府學田原額實在三百八十一畝二分年徵租銀一百三十兩八錢一分零康熙二十一年總督姚啟聖增置田租六十石六斗五十三年知府魏荔彤捐置田五十五畝八分零雍正九年郡人候選通判郭元龍捐置黃柑保州園七十畝二分九厘年徵租銀一百二十兩

龍溪縣儒學

在縣治南中為大成殿左右兩廡南為戟門又南為櫺星門明倫堂在殿之西前

為泮池殿後為崇聖祠西為名宦祠祠後為教諭宅泮池東南為儒學門冠以魁星樓訓導宅在門之左土地祠在門之右射圃在騰龍山下學始於宋嘉祐間知縣事許儀建其後夏臻楊謙翁德廣陳士會黃

師雍趙時瑀潘律相繼修治元大德間燬於兵縣尹
趙塔納重建明知縣劉憲教諭林原知縣沈庸僉事
陳祚知縣周琳同知章俊知府張瓚教諭黃深知縣
李榮知府汪鳳羅列陳洪謨知縣史立誠知府鍾湘
知縣劉天授林松教諭王憲知府葛綸屢有增修
國朝順治十二年燬於寇康熙二十一年總督姚啟
聖倡捐重修大成殿二十六年知縣線應彩捐貲
建明倫堂五十四年知縣江國棟捐修大成殿兩
廡戟門六十一年教諭郭基捐修崇聖祠 津額原
歲試取進文武童各十五名科試取進文童十五名
雍正二年奉文准照府學歲科兩試各取進文童二
十名 學田原額實在二百四十六畝二分零年徵
租銀一百六兩八錢四分康熙二十一年總督姚啟
聖捐置田租三十九石六斗雍正十年林編捐貲倡
修重造寶塔於 文書院曰龍江書院在府治西北
廟左在騰龍山之上登高山上曰觀瀾書院在

一都文山之麓明正德間改建於察院西地以禁書院故改為孔氏家廟今尚存曰養正書院在威惠廟左曰雲龍書院在賢妙觀東雜造局地曰西清書院在東坂後街曰薌江書院在二十四都翰林社曰建溪書院在二十都翁建社曰義學一在山頂巷一在龍瀛義塾在龍駭瀛今俱廢芝山朱文公祠舊為龍江書院一在文信公祠後即五經書院社學一在芝山之麓朱文公祠之東即仰文書院在南隅西橋亭後一在西隅文信公祠一在東廂東嶽廟後一在南廂法雲室其在都者十一都十五所十二都十五所二十一都十所二十三都四都六所二十五都八所二十六都七所二十七都十五所二十八都十三所二十九都及三十都十一所今俱廢雍正二年新設二所一在石碼鎮一在天保社

音書院

一在芝山朱文公祠一在十一都南坂大庵一在二十一都雙路口一在二十二都翁建

大庵一在二十五都山兜庵一在二十七都浦頭
一在二十八都港尾庵俱雍正七年奉文設立

漳浦縣儒學

在縣治南中為大成殿左右兩廡左廡
上為更衣所右廡上為祭器庫前為戟門

門左為省牲所門右為神厨又前為櫺星門明倫堂
在殿之東前為儀門又前為泮池架石橋其上前為
大門門外為梁山鍾秀坊又南為傅公河潮汐通焉
又南為澄心亭崇聖祠在殿後東為教諭廨又東為
訓導廨射圃在縣治東南中建朱文公祠東北為名
宦祠西北為鄉賢祠學舊在縣西北隅宋天聖間知
縣事陳坦然遷於印山慶厯間遷於縣北熙寧間始
卜今地紹興間遷於城岡乾道間復遷於官塘舊址
嘉定間知縣事趙師縉即故址重建明知縣張理李
賢縣丞黃禮通判闕諒義民徐士耕僉事陳祚教諭
程孟子知縣劉璧金弘汪瑾王臣胥文相周仲鄭禧
教諭林瓚壽官歐愚相繼修葺至嘉靖五年推官黃

直重建後縣丞潘鉅知縣龍雨教諭陳經知縣房窠
王猷屢有增建國朝康熙十三年明倫堂燬於寇
十九年總督姚啟聖邑紳黃性震倡修大成殿重
建明倫堂儀門大門二十三年復建敬一亭泮額
取進名數視龍溪縣學田原額實在三十四畝三
分零年徵租銀一十六兩一錢六分康熙二十一年
總督姚啟聖捐書院曰鴻江書院在縣東十七都曰
置田租三十石書院丹詔書院在縣南三都今分屬
詔安縣曰梁山書院為唐潘存實讀書處曰明誠書
院在東郊為明黃道周講學處曰東瀛書院在懸鐘
所曰崇文書院曰南溪書院俱在義學一在縣學文
銅山所曰崇正書院在陸黿所昌宮後一在
銅山所一在雲霄朱文公社學在坊者五在都者十
祠內一在鎮海一在杜潯二今俱廢惟仁字社
學在縣治左今為威惠行祠智字社學在北門今改
為懷德祠雍正二年新設五所一在縣內文昌宮一

在雲霄文公祠一在銅山文公祠一
在杜潯文公祠一在鎮海文公祠

正音書院一所

在鄉四所雍正七年奉文設立

海澄縣儒學

在九都城內中為大成殿東西兩廡前為櫺星門殿之右為明倫堂東西齋及兩

廊號舍前為儀門門外東為省牲所西為大門門外為泮池前為教官廨崇聖祠在堂之右學始於明隆慶間知府唐九德建萬曆三十一年海漲宮牆傾圮知縣姚之蘭重修復建敬一亭及名宦祠鄉賢祠

國朝順治四年燬於寇康熙十年重建大成殿兩廡櫺星門三十年邑人提督許貞總兵柯彩捐貲重

建明倫堂崇聖祠及名宦鄉賢兩祠泮額取進名數視龍溪縣學田原額實在一十畝又田四畝一

分零年共徵租銀二兩八錢三分零康熙書院曰清二十一年總督姚啟聖捐置田一石六斗漳書

院在九都儒義學在文昌閣後國社學在一二三
學前今廢朝知縣陳世儀建都十所在

四五都十二所在六七都二十四所在八都二十六
所在九都二十四所今俱廢雍正二年新設五所一

在縣城內一在漸山保一在金正音書院在城內南
豐保一在留田保一在集興保門二保雍

正七年奉
文設立

南靖縣儒學

在城中古漳南道舊地中為大成殿東
西兩廡南為戟門又南為櫺星門殿之東

為明倫堂兩翼為居仁由義齋次為東西號舍前為
儀門為大門門內為泮池池之東為敬一亭堂東為

教諭訓導廡崇聖祠在殿左祠東西為名宦鄉賢兩
祠學前為射圃先是學在舊縣治東元至正間建明

洪武間知縣楊通教諭易誠重建嘉靖間燬於饒寇
知縣林挺春移建新縣隆慶間知縣曾球增修萬厯

二十三年知縣陳宗愈移建今所崇禎二年知縣何世埏改建國朝康熙十三年燬於寇二十年知縣

張倬捐修三十五年教諭林芝重葺雍正二年教諭黃寅亮八年知縣金鼎錫教諭陳帝簡倡捐重新

泮額取進名數視龍溪縣學田原額實在一十五畝一分零年徵租銀二兩八錢康熙二十一年總督

姚啟聖捐置田一十一畝三分三十三分三年義學邑人張天奎捐置田園二十一畝五分西義

學在城社學在坊社學二東門外社學一習賢里社隍廟左社學四由義里社學三永豐里社學三居

仁里社學三歸德里社學三今多廢雍正二年新設三所一在居仁里一在歸德里一在永豐里正

音書院

在縣城內倉前街雍正七年奉文設立

長泰縣儒學

在縣治東中為大成殿東西兩廡南為戟門又南為櫺星門右為明倫堂堂前兩

齋前為儀門為泮池又前為大門庫房在兩廡之上
省牲所在戟門之東崇聖祠在殿後祠左為名宦祠
祠右為鄉賢祠射圃在縣治西城隍廟之右學始於
宋紹興間在縣西南嘉定間改建縣東南紹定間邑
人縣丞葉惟寅移建今所明正德間僉事陳祚重建
知府姜諒知縣劉鐸推官黃直知縣陳塘王用文張
傑夫蕭廷宣相繼修建崇禎十七年燬於寇國朝
順治十七年邑人戴璣捐建大成殿康熙二十一年
年總督姚啟聖及知縣員養純教諭何龍文倡同紳
士重建明倫堂惟教官廡二所尚有待焉津額歲
試取進文武童各十五名科試取進文童十五名
學田原額實在三十五畝又田一十五畝年共徵租
銀一十兩康熙二十一年總督姚啟聖捐置田二石
零三分年受租六十六石六斗知縣員養純捐置田
一石書院曰泰亨書院在縣南登高山之東曰龍津
二分書院在縣治東曰狀元書院在登科山之

西今
俱廢
社學
在坊社學四人和里社學四欽化里社學
四方成里社學三恭順里社學二彰信里

社學四石銘里社學四旌孝里社學四善化里社學
四雍正二年新設二所一在旌孝里蕭宅廟一在善

化里三
峯寺
正音書院
在縣南朱文公祠雍正七年奉文設立

平和縣儒學
在縣治南中為大成殿東西兩廡前為戟門東為名宦祠西為鄉賢祠中為泮

池前為櫺星門殿東為明倫堂前為儀門門內二齋
東曰崇正學西曰育英才又前為大門崇聖祠在殿

之後祠後為敬一亭省牲所尊經閣在明倫堂後殿
西北為朱熹祠堂東南為教諭廨殿西南為訓導廨

射圃在縣西南中為觀德亭學始於明正德間教諭
施祥創建後知縣謝明德陳復初教諭黎憲臣訓導

章崇正相繼修葺國朝順治十八年署縣王孫樞
康熙二十年知縣金鏞三十一年教諭劉運昇倡捐

重修 泮額取進名數視龍溪縣學田明知縣楊守一捐置七畝四分零年徵租銀三兩一錢八分零

康熙二十一年總督姚啟義學在城四所在鄉二十聖捐置租穀三十八石一所俱國朝康熙

間社學在清寧里四所在新安里正音書院在縣內建三所俱雍正二年新設常平倉

前雍正七年奉文設立

詔安縣儒學

在縣治南中為大成殿東西兩廡前為戟門門左名宦祠右鄉賢祠前為櫺星門

門外為泮池池上有橋殿後為明倫堂東西廊為齋房號舍外為大門又東為儒學門堂後為講堂西為教官廨二所東為崇聖祠射圃在儒學西偏學始於明嘉靖間通判陳賢創建後知縣吳桂諸生胡士簡教諭徐商同知劉遂知縣陳素蘊黃元立相繼修葺國朝順治十一年燬於冠十六年知縣歐陽明憲

倡捐重建康熙十七年知縣趙國楨四十三年教諭
黃金榜訓導周邦憲同紳士重修 泮額取進名數

視長泰縣學田原額實在四十四畝四分年徵租
銀一十三兩九錢二分零康熙二十一年總督姚啟

聖捐置租穀 書院在北門 社學一在東門廟一在南
一十三石 內今廢 門廟一在港尾廟一

在慈濟宮一在二都一在三都一在四都 正音書院
一在五都雍正二年新設在南關大子美

在縣城西文公祠內
雍正七年奉文設立

鎮海衛儒學

在衛治前右為 文廟左為明倫堂教官
廨在明倫堂後衛初無學明成化二十一

年指揮張文奏請立學未果嘉靖元年巡按御史王
以旂復奏三年始建廟學隔為兩處三十四年乃建

儒學於廟之左萬厯間復加修葺 國朝康熙
熙十七年裁衛其儒學生員悉歸併漳州府

延平府

延平府儒學

在豐衍倉南梅山寺舊址中為大成殿翼以兩廡南為大成門門外為泮池為戟

門門左為名宦祠門右為鄉賢祠廟左為明倫堂翼以兩廊廊左為會講堂崇聖祠在廟右射圃在四賢

祠左學始於宋天聖三年曹修古建其後知州事王汝舟劉子翼鄭椿年陳宓教授揭祐民元總管文富

唐鐸方偉王彪明知府盛顯劉侃王範蘇章孫衍同知丁隆通判羅環教授徐彰知府歐陽鐸陳能倪朝

賓屢有改徙增建至天啟間知府項惟聰始定今所崇禎間知府章晉錫始鑿泮池國朝順治十六年

知府張夙抱教授王若義南平知縣姜脩仁脩之康熙八年同知崔宗泰新之二十二年知府梁允植復

倡率重修惟教官廨尚未備云泮額取進名數視福州府學田萬厯間分守道吳璘審斷尤溪縣民

高陽原捨入本府東嶽宮苗田一百畝歸之學又自
捐置本府學田年收稅銀七兩八錢六分又守道沈
微炳捐置學田年收租銀一兩八分又置苗田四墩
年輸租銀二兩四錢督學僉事熊尚文捐置苗田年
收租米九十二斛後又查出伏虎庵侵沒學租銀三
兩國朝順治間舉人鄒儀周捐置田年收租銀二
兩三錢八分五釐本學諸生陳遙捐置田年收租銀
四兩康熙二十一年總督姚啟聖捐置田年收租米
二百三十五斗知府梁允植捐書院延平書院在府
置田年收租穀二百一十七斛書院城南九峯山之
麓祀宋儒李侗四賢書院祀宋楊羅李朱四賢道南
書院在府治北祠宋儒楊時豫章書院在府城西門
外祀宋儒羅從彥文公書院在府城龍山祀宋儒朱
熹定夫書院在普安里祀宋儒游酢衍山書院在府
城西門外祀宋尚書黃裳九龍書院在府治東南祀
宋楊羅李朱四賢兩吳書院在府治東南遷喬里祀

宋吳儀

社學

一在招福坊一在紫芝嶺一在開平坊
一在畫錦坊俱明正德間知府歐陽鐸

建一在雲蓋里嘉靖間推官徐階建

南平縣儒學

在西郊虎頭山之麓中為大成殿左右兩廡櫺星門戟門神厨齋官器房皆如制

崇聖祠在廟右明倫堂在廟左兩廊為居仁由義齋為諸生學舍堂後為尊經閣前為儀門又前為大門泮池在儀門內教諭廨在儀門右訓導廨在明倫堂右初學建於明洪武三年弘治嘉靖間兩經修拓至萬厯四十七年知縣商之彛重建其後知縣吳襄教諭林芸孫范方相繼增修國朝初燬於火知縣汪衡倡修後守道孔自洙知縣姜脩仁訓導李任禧踵而成之康熙間巡道陳廷統知府章培基知縣顧之安李丕煜署縣同知江芑教諭周宗濂先後重修雍正二年署縣丁溶教諭張月攀訓導吳達儒倡捐修

葺泮額原歲試取進文武童各十五名科試取進
文童十五名雍正二年奉文准照府學歲科兩試各
取進文童二十名學田原額實在學田四十二畝
年徵租銀一十七兩四錢八分又萬厯間訓導黃元
采捐置苗田八斗八升八合通判趙楷捐置遵教里
苗田九斗三升六合守道沈儆煥捐置苗田二斗八
升督學饒景暉捐置苗田四斗一升五合知縣劉兆
元查發開平寺隱匿田租銀七兩國朝康熙二十
一年總督姚啟聖捐置苗田一石五斗
五勺除正供外實存米一百斗入學社學一在城
嶺一在東郊聖恩坊一在西
郊畫錦坊俱雍正二年新設
正音書院在閩賢祠內
雍正七年奉
文設
立

順昌縣儒學

在縣治左舊在縣治西宋皇祐間改建縣
治東明正德間復舊址嘉靖間仍改縣東

隆慶五年徙西郊外萬厯三十一年改建縣治之右
崇禎四年知縣吳起經始遷今所 國朝順治四年
燬於寇知縣龔五謨協勅廟堂後知縣丁與玉建廡
及廊知縣錢弘業建大門櫺星門改泮池康熙二十
二年知縣高崇倡捐重修崇聖祠在舊廟內射圃在
廟後三十九年知縣孫如龍署縣通判張植相繼修
葺雍正九年重建 泮額歲試取進文武童各十五
名科試取進文童十五名 學田原額實在二百二
十一畝二分零年徵租銀二十二兩二錢三分零又
舊有朝真堂稅米六石嘉靖間變價入官 國朝康
熙二十一年總督姚啟聖捐置苗田述年收 書院 曰
穀四十六石除納正供外實存穀三十石
賢書院在縣治西祀宋楊朱二廖後又增祀羅從彥李侗為六
縣治
賢書院在縣治西祀宋楊朱二廖後又增祀羅從彥李侗為六
院 賢書 社學 一在東隅一在西隅正德間馬正音書院
性魯建雍正二年新設在東郊

雍正七年奉文將
城內義學改設

將樂縣儒學

在縣治旁宋建卞山之麓明屢遷徙萬厯間知縣林熙春改建縣之東南天啟間知

縣王尚賢改遷文廟於縣治前橫街填街為址後燬於火教諭張浩夫通原街徙建文廟於縣左建

坊於戟門內門外為街以街外舊文廟基建明倫

堂國朝順治五年冠燬十三年督學孔自洙檄郡

縣修學知縣孟陳玉徙文廟北進數十武與縣堂並廟翼以兩廡前為大成門左為祭器庫右為典藉

庫其下為泮池池前為櫺星門門外為舊石坊坊外為大門射圃在東郊外崇聖祠名宦祠鄉賢祠俱備

惟明倫堂未建康熙三十九年文廟又燬於火雍正六年知縣馮景曾教諭孫發曾倡捐重建泮額

取進名數視順昌縣學田原額實在七畝二分年徵租銀三兩一錢五分又嘉靖間知府彭澄查出明

真院為豪侵占田一十畝六分萬厯間知縣黃仕禎捐置田一十四畝六分國朝康熙二十一年總督

姚啟聖捐置田書院山曰龜山書院在縣治城北郊封九畝三分零

馮夢得奏請立祀度宗賜龜山書院四字仍義學一詔郡縣撥田養士優其後春秋有司致祭

縣北五經書院一在西社學在城四隅各三黃澤都路黃潭一在北路萬安三水南二都各四玉華

等一十三都各二積善等三十一都各一雍正二年新設二所一在黃潭都一在萬安都正音書

院在縣西門雍正七年奉文設立

沙縣儒學在縣治東舊在和仁坊宋慶厯間徙魁星里太平興國寺右明洪武初建復燬景泰間有

司市民地擴其址歷成化弘治間始備其制嘉靖間知縣袁應文改建於福聖寺基建尊經閣於明倫堂

後萬厯間知縣方震孺復改建魁星里舊址知縣康承祖成之中為大成殿左右兩廡前為戟門名宦

祠在門左鄉賢祠在門右又前為櫺星門泮池在櫺星門內殿後為明倫堂堂左為崇聖祠為尊經閣教

諭訓導廨皆在廟左國朝康熙二十二年知縣樊際盛倡捐修葺泮額取進名數視順昌縣學田

原額實在六十畝年徵租銀八兩康熙二十一年總督姚啟聖捐置田六斗三升三合四勺四抄除納正

供外實存租穀三十石書院陳謙豫章書院在縣治西勸忠坊祀宋穀三十石

麓鳳岡書院在縣社學一在西溪三元一在尾歷一溪南鳳凰山下在柑鄉夏茂俱雍正二年新

設正音書院雍正七年奉文將城中義學改設

尤溪縣儒學在縣西門璠山之麓前為大成殿東西兩廡南為戟門名宦祠在門左鄉賢祠在

門右又南為櫺星門泮池在櫺星門內跨以石橋殿後為明倫堂翼以居仁由義兩齋堂後為尊經閣左為會講堂右為敬一亭文昌宮在殿之左崇聖祠在殿之右教諭廨在崇聖祠右堂齋廚庫皆備焉惟射圃久廢訓導廨仍在舊學先是宋學在縣治西慶厯間改縣治東南明因之至萬厯二十六年知縣張陽春始改建今所國朝康熙十八年知縣王進取倡捐重新泮額原歲試取進文武童各八名科試取進文童八名雍正二年奉文准改為中學歲科兩試各取進文童十二名學田原額實在二十畝年徵租銀六兩康熙二十一年總督姚啟聖捐置田一十三畝二分除納正供外實存租穀一十四石八斗

書院

曰南溪書院祀宋朱松內有橋為朱熹手書溪山第一四字曰鎮山書院在南溪書院之西曰

天池書院在崇文坊曰荆川書院在拱星坊今俱廢曰正學書院在畫錦坊康熙四十八年知縣劉宗樞

建社學

一在書錦坊一在城隍廟一在梅仙坂一
在古蹟口一在新橋俱雍正二年新設

音書院

雍正七年奉文將
城中義學改設

永安縣儒學

在縣治東中為大成殿翼以兩廡戟門
左為四賢祠右為文昌閣又南為泮池為

櫺星門敬一亭在崇聖祠之左殿之後為明倫堂翼
以居仁由義兩齋左為教諭廡右為訓導廡尊經閣
在明倫堂後射圃在縣治北門外學始於明景泰間
後燬於火弘治間知縣劉燦重建其後知縣裴建蘇
民望劉任相繼增修國朝順治初寇兵蹂躪知縣
陳廷樞學博徐鴻何鼎鉉潘正開揭詩教修葺雍正
四年教諭蔡復旦重新崇聖祠泮額取進名數視
順昌縣學田原額實在三十一畝六分又續查入
官田二十一畝七分零年共徵租銀四十四兩六錢
零康熙二十一年總督姚啟聖捐置田一十八石二

斗除納正供外實存穀一十六石二斗八升知縣書
劉麟趾捐置田七墩共收租穀二十石充入本學

院曰先賢書院在縣治北祀宋楊羅李朱四賢曰耕
欄書院在耕欄寺隔溪宋鄧肅讀書處曰雲龍書

院在貢川公館之右祀楊羅李朱社學一在城一在
陳鄧六賢曰紋山書院祀羅明祖貢川一在安

砂又義齋一在縣治西二十七都明永樂間舉人賴
福初建雍正二年新設三所一在縣前社一在節孝

祠一在安砂鎮正音書院雍正七年奉文將
縣前義學改設

建寧府

建寧府儒學

在府治東北中和坊黃華山之支麓中為
大成殿左右兩廡前為戟門又前為櫺

星門殿後為尊經閣閣下為春風堂學在文廟之
右中為明倫堂左右兩序序東西為四齋前為儀門

門外為泮池池上有橋左為文昌祠右為鄉賢祠又
前為學門又前為二坊堂後為藏書閣閣下為集賢
堂西為饌室東為號舍廩庾及教官廨先是學在府
治南趙氏坊明永樂初知府許芮麟教授張信請遷
今所成化十七年災弘治二年知府劉璵重構國
朝順治五年大成殿燬戟門尚存七年提學閔度
重建十一年風雹圯毀十七年巡按李時茂檄建明
倫堂崇聖祠名宦鄉賢祠尊經閣兩廊櫺星門儀門
黉門康熙十一年重修泮額取進名數視福州府
學田實在一百四畝五分零年徵租銀三十一兩
三錢七分零康熙二十一年總督
姚啟聖捐置田二十七畝六分
縣南曰建安書院在府治北曰
環溪精舍亦在府城甌寧縣南

建安縣儒學

在縣治後中和坊中為大成殿左右兩
廡南為戟門又南為櫺星門北建敬一亭

內勒五歲廟左為明倫堂東西為序南為門門南為
泮池池上石橋橋南樹之棹楔堂北左右為居仁由
義二齋齋之左右為舍十有二堂之左為廡舍三區
建二坊於學前曰興賢曰育才射圃在敬一亭後學
初在郭門外明嘉靖元年巡按虞守愚奏遷今所後
巡按白賁僉事汪佃知府夏玉麟建崇聖祠尊經閣
於明倫堂北萬厯間教諭施仁又於學左建青雲樓
知縣仙克謹又建名宦鄉賢兩祠於櫺星門內國
朝順治五年燬康熙三年知縣余光魯重建十一年
又建兩廡明倫堂及學廡其後知縣張大典李和雨
崔銑教官林慶興陳志友施德馨謝天申倡捐修葺
泮額原歲試取進文武童各十五名科試取進文
童十五名雍正二年奉文准照府學歲科兩試各取
進文童二十名學田原額實在三百二十九畝七
分零又田九十九畝四分零年共徵租銀一百三十
五兩三錢二分零康熙二十一年總督姚啟聖捐置

民米九斗四
升九合零
社學
一在興賢坊天王堂一在叢桂坊
後改為游廬山祠一在中和坊紫

霞洲今俱廢雍正二年新設四所一在建寧
里一在登仙里一在房村上里一在東莨里
正音書

院
在府城內建溪書院雍正七年
建甌二縣同奉文設立

甌寧縣儒學
在府治南叢桂坊故府學址明正統十二
年知府張英知縣焦宗周教諭宋毓始遷

於此景泰間御史倪敬叅政趙象通判蕭環重建殿
廡戟門齋堂饌舍嘉靖九年知府詹珪建敬一亭於
殿東勒五歲十五年知縣應鳴鳳拓明倫堂之耳房
又創造廨房及號舍射圃學前二坊曰明道正誼隆
慶間改曰成德達材萬厯間屢經修葺崇禎間燬於
火知縣詹兆恆重建國朝順治五年又燬知縣江
中揖新之康熙二十年知縣張世偉教諭劉司直重
修地勢窪下屢圯於水三十一年知縣鄧其文詳請

告部擇舊衛故址改建 津額取進名數視建安縣
學租實在屋一百四十二間年徵租銀四十九兩
八錢三分零又田六十三畝一分零年徵租銀一十
八兩九錢五分零康熙二十一年總督姚啟聖捐置
民米九斗一 社學 一在尚書坊普照堂一在純孝坊
升七合零 朝天坡一在尚書坊充架巷一在
尚書坊豆腐巷一在城西移忠坊河泊所一在隆禮
坊馬軍營以上六所為民占沒一在大中寺今廢
國朝康熙二十六年知縣鄧其文於守備司故址新
建雍正二年新設四所一在吉陽里一在梅岐里一
在高陽里一
在西鄉里

建陽縣儒學

在同由里中為大成殿東西兩廡戟門
左右祀名宦鄉賢前為櫺星門又前為泮

池跨以青雲橋殿後為尊經閣閣右為崇聖祠祠前
為明倫堂兩廡列居仁由義二齋前為儀門門外為

射圃殿之左為教諭署又左為訓導二廨左右列理學科第二坊敬一亭與諸生號舍皆在焉先是學在水東交溪之游明成化間改於城西棲隱寺後復屢遷至萬厯間教諭鄧以詒始定今所國朝初廨舍及亭坊俱燬康熙二十年教諭張殿欉倡捐重建櫺星門修兩廡三十二年知縣劉鳴詒倡修大成殿三十八年知縣柳正芳教諭藍陳畧倡修明倫堂泮額取進名數視建安縣學田原額實在一百三十六畝九分零又田三百四十五畝一分零年共徵租銀八十九兩九錢四分零康熙二十一年總督姚啟聖捐置田五書院同文書院在崇化里宋朱熹建十四石三斗零書院橫渠書院在永忠里宋張載九世孫張德建鴈山書院在永平里為宋游酢建考亭書院在三桂里為宋朱熹建鵲峯書院在崇泰里為宋熊禾建瑞樟書院在永忠里唐劉翱裔孫劉中建雲莊書院在崇泰里宋劉燦故居環峯書院在妙高峯下宋黃

乾建廬峯書院在崇泰里宋蔡沈建雲谷書院在崇泰里
宋朱熹建潭溪書院在崇泰里宋黃幹建溪山書院在崇
泰里宋葉賀建化龍書院在崇泰里宋劉炳曾孫應社學
李建寒泉精舍在崇泰里朱熹葬母因築室於此

一在崇化里一在同由里一
在三桂里俱雍正二年新設
正音書院在邑西隅雍正七
年奉文設立

崇安縣儒學

在牛氏巷中為文廟左右兩廡前為大
門左右翼門門外層次三十級下為甬道

三中左右琢石為櫺星門門前為屏牆豎坊以拱
文廟廟後為崇聖祠左為明倫堂堂前為儀門門外
為泮池跨以石橋左名宦祠右鄉賢祠前為闕邦鄒
魯坊射圃在學之舊巷先是學在興賢坊明末知縣
郭之祥始移今所國朝康熙十九年教諭危世美
修葺然廟庭北向背陽就陰議當改遷云泮額取
進名數視建安縣學田原額實在二百四畝又田
一百四十六畝五分零地二十二畝年共徵租銀七

十二兩八錢一分零康熙二十一年總督姚啟聖捐置田四十畝知縣金章捐置田一十九畝二分零

書院

曰丈定書院在興賢坊營嶺之麓為宋胡安國建曰屏山書院在五夫里屏山之麓為宋劉子

翬建曰武夷書院在武夷山五曲大隱屏山下宋朱熹建曰南山書院在武夷九曲虎嘯巖下宋蔡沈建

曰鷹山書院在節和里之澄許為宋游酢建 國朝康熙間重建曰少微書院在豐陽里之蘆峯為宋江

贇建曰紫陽書院在武夷山五曲大隱屏山下為宋朱熹建曰九峯書院在武夷一曲兜鍪山下祀宋蔡

沈曰崇賢書院在縣治西二里許祀游酢胡安國胡憲胡寅胡寧胡宏劉勉之劉子翬朱熹蔡元定蔡淵

蔡沈劉燦熊禾徐幾又劉豁劉子羽劉珙吳璘吳玠翁承贇江贇曰陽明書院在武夷一曲溪右明王守

仁講**社學**一在仁義坊一在美俗坊一在興賢坊今學所俱廢雍正二年新設五所一在光化寺一

在五夫街一在曹墩街一
在大安街一在黎口街

正音書院

在四隅里一畝
雍正七年奉文

設立

浦城縣儒學

在東隅龍頭山之右左為大成殿東西
兩廡前為戟門門左為土地堂右為祭器

庫又前為櫺星門殿後為崇聖祠名宦祠在其左鄉
賢祠在其右明倫堂在殿之右其前為泮池其右為
文昌祠廡宇齋舍悉備學原在令所正德間御史沈
灼改遷黃華山麓國朝康熙三十一年知縣何三

臺署縣同知趙世安教諭彭韶請復舊所四十九年
諸生張廣益捐造尊經閣及數仞宮牆金聲玉振三
坊五十八年知縣徐球雍正五年知縣趙孔昭教諭
李丹桂先後倡捐重修泮額歲試取進文武童各
十五名科試取進文章十五名學田原額實在八
十畝又田一百七畝八分零年共徵租銀三十兩一

錢三分康熙二十一年總督姚書院曰西山精舍在
啟聖捐置田三十一畝五分零

秀社學一在太寧富嶺一在人和石坡一在永平
記西鄉一在忠信上坦俱雍正二年新設正

音書院

在城內西隅雍正七年奉文設立

松溪縣儒學

在縣治東中為大成殿東西兩廡南為戟門門左為名宦祠右為鄉賢祠中為泮

池跨以石橋又南為櫺星門敬一亭在殿之後明倫堂在殿之左東西兩齋又東為崇聖祠文昌閣南為

儀門又南為儒學門教官宅在堂之後號房饌堂射圃悉備焉學建自宋開寶八年歷景祐乾道間屢行

遷徙明嘉靖元年督學邵銳改遷縣西普載寺故址二十四年燬於火叅議柯喬僉事戴鯨復遷舊所

國朝康熙二年知縣董良欝重新櫺星門十六年知縣馬雄俊倡捐修葺泮額歲試取進文武童各十

二名科試取進文童十二名學田原額實在一百七畝六分零年徵租銀二十一兩七錢八分零康熙二十一年總督姚啟聖捐書院曰湛廬書院在松社置田二十七畝六分零

學

曰東隅社學在縣治南曰西隅社學在縣治西曰豪北隅社學在縣治北曰新義社學在縣治西曰豪

田社學在渚墩驚鷺林曰永寧社學在渭田關帝廟曰永和社學在西源道堂曰皈依社學在巖下迴龍

堂雍正二年新設二所一在東隅五顯祠一在西隅南山觀

正音書院

在城南石壁庵雍正

七年奉文設立

政和縣儒學

在縣治東中為大成殿左右兩廡前為戟門名宦祠鄉賢祠在戟門左右又前為

櫺星門殿後崇聖祠祠東為明倫堂堂左右為庫房為兩齋為時習會饌堂前為泮池文昌閣在明倫堂

後土地祠在閣左教諭署在明倫堂右訓導廨在儀
門左廩倉在儒學西射圃在縣東飛鳳山右內建觀
德亭學初在縣西明萬厯八年建南道張對請改今
所國朝順治十四年知縣陳大範重建洋額歲
試取進文武童各八名科試取進文童八名學田
原額實在二十二畝五分徵租銀七兩九錢康熙
二十一年總督姚啟聖捐置田三十畝書院曰星溪書
五畝教諭林謙光捐置田五畝六分書院在縣南
正拜山下曰雲根書院社學在邑治後今改為社倉
在縣西俱宗朱熹建社學雍正二年新設二所一
在東平里一在星溪書院雍正
在長城里七年奉文設立

邵武府

邵武府儒學

在府治南樵溪五曲之上中為大成殿
左右為兩廡南為戟門門外為泮池跨以

石橋翼以石欄九曲秀水出焉前為櫺星門門外東
為名宦祠為鄉賢祠殿之右為明倫堂兩廊齋房各
十楹南為儀門門外為學門又外為半月池環以宮
牆奎光閣在泮池左崇聖祠在殿左尊經閣在明倫
堂左閣西為敬一亭原有教官宅二所一在崇聖祠
東南一在明倫堂西偏先是宋軍學在府治西北知
軍曹修睦建宋咸重修熙寧後徙建於城外水北明
洪武二年通判章文旭教授林必中請改熙溪書院
為今學教授程禧同知宋貴知縣鄒良推官吳容周
仲斌知府徐述盛顯馮孜劉元夏英吳國倫巡撫滕
昭巡按龔一清歷有增拓規制完備萬歷二十九年
燬僅戟門儀門存知府閻士選推官趙賢意請於守
巡兩道沈做翥劉毅學道饒景暉重建後知府嚴澂
知縣商周祚踵成之國朝康熙十五年悉燬於寇
知府張一魁同知周元功通判馬驥雲倡建大成
殿兩廡戟門櫺星門宮牆及文昌樓崇聖祠二十二

年知府張一魁復建明倫堂兩廊儀門大門三十七
年署府趙世錫參將林雲漢教授程尹起雍正元年
知府曹友夏教授郭應元七年知縣渠輔邦教授趙
洵倡捐重修大成殿櫺星門明倫堂射圃在城西
南隅今廢泮額取進名數視福州府學田
國朝康熙二十一年總督姚啟聖捐置五十畝零

邵武縣儒學

在縣治南二百步九龍觀故址中為大成殿左右為兩廡戟門櫺星門在其南引

樵嵐之水流入宮牆注為半月池導為泮池池有石
橋石欄翼焉崇聖祠在殿西明倫堂在殿東左右齋
廊各八楹奎光閣西為敬一亭前為儀門門外東土
地祠西名宦祠先是縣學在府治西北即宋邵武軍
學紹興中知縣葉邃請即其地為縣學咸淳中知縣
張湘重建講堂瑞榴軒明知府夏英知縣姜桂復建
尊經閣嘉靖二十年巡按徐宗魯移建今所推官丁
湛知府邢址相繼成之萬厯間知府鄭宣化知縣商

周祚宋良翰吳姓各有增修國朝康熙四年戟門災延及兩廡知府汪麗日知縣張聰訓導周鼎重及諸生重加建葺二十一年知府張一魁知縣吳朝選重修廟廡明倫堂四十三年知縣嚴德泳倡修文廟五十二年知縣周鍾瑄改建崇聖祠雍正三年教諭歐雋同紳士捐修大成殿重建明倫堂其教官宅今俱圯洋額原歲試取進文武童各十五名科試取進文童十五名雍正二年奉文准照府學歲科兩試各取進文童二十名學田原額實在一百三十畝七分零年徵租銀一十九兩六錢一分零國朝康熙二十一年總督姚書院曰樵溪書院在郡城啟聖捐置田三十畝零樵溪五曲之上今為府學曰福山書院在三井墩曰白渚書院即舊稅課司曰崇賢書院在水寨曰九曲書院在邵公祠內曰臺溪精舍在社學外一在察院行臺左一在行春門七臺山之麓

坊今為朱熹祠雍正二年新設四所一在東鄉一在西鄉一在南鄉一在北鄉正音書院在城

內北市寶嚴坊雍正七年奉文設立

光澤縣儒學

在縣治孝感坊杭州驛舊址文廟在明倫堂之右前為兩廡為戟門為泮池為櫺

星門明倫堂在左堂後為尊經閣崇聖祠在東廡後學門外為聚奎坊教官宅三所俱在廟右名宦鄉賢祠在城外舊學地先是縣學在城外東南元至正六年縣尹朱萬初建明洪武三年知縣劉克明重建其後知縣曾成烈成損徐晉鍾華教諭陳子良陳源歷有增修萬厯十二年移建今所知縣羅希尹汪正誼相繼成之國朝順治五年寇燬僅存訓導宅康熙四年知府汪麗日倡建明倫堂九年知縣劉祖同加創兩廡十年知縣王吉倡建聖殿十八年知縣金鳴鳳復建學門牌坊二十年建崇聖祠泮額歲試

欽定四庫全書

卷十八

取進文武童各八名科試取進文童八名學田原額三十一畝五分零欠荒國朝康熙九年開墾田

一十八畝五分零年徵租銀三兩七錢一分零二十一年總督姚啟聖捐置田一十二畝一分零六十一

年貢生何以鎧捐置學租書院曰雲巖書院在縣南四十石零三斗勒碑學宮三里宗李方子講學

所曰崇仁書院在義學在東門外社學一在縣治東縣北崇仁市今地三元宮一在崇仁鄉

一在止馬市一在新田市新田市今俱廢雍正正音書院在二年新設二所一在崇仁市一在花橋城

內華山殿雍正七年奉文設立

建寧縣儒學

在縣治南百步文廟居右東西為兩廡前為戟門為櫺星門明倫堂居左尊經閣

在明倫堂後儀門外為土地祠左為教諭宅右為訓導宅崇聖祠在明倫堂東名宦鄉賢祠在崇聖祠旁

學門外建文昌閣倚城臨溪射圃在城外水南先是
縣學宋天聖中知縣葛祐建於縣治西嘉祐中知縣
李山甫徙建今所元明屢燬屢建天啟五年知縣王
都始復舊基 國朝康熙九年通判柳文標知縣陳
于達教諭林正昇各有修葺二十一年知縣檀光燾
教諭林銓重建戟門櫺星門 泮額歲試取進文武
童各十五名科試取進文童十五名 學田原額實
在四十七畝四分年徵租銀八兩五分康熙二十一
年總督姚啟聖捐置田租二十二石三斗 書院 曰雲
知府張一魁捐置田租一十一石五斗 谷書
院在縣南雲谷山下今廢曰 濰 義學 在縣
溪書院在縣西積善坊之所 東門 社學 原設
一所今俱廢雍正二年新設五所一在城內清平坊
一在開山保一在長吉保一在里心保一在黃溪保

正音書院

在縣東門義學之左
雍正七年奉文設立

泰寧縣儒學

在縣治西即壚峯寺地前為文廟廟前為兩廡為廟門為櫺星門為半月池後為

明倫堂堂左崇聖祠堂前甬道左折出為儀門又左折為學門門內左名宦祠右鄉賢祠儀門之左為東

西學署先是宋縣學在壚峯山之麓慶元間知縣趙時瑄建明知縣陳撫定定周英戴嘒教諭李卓何震

李文績增修至萬曆二十八年學道沈倣圻知府閻士選知縣滕養志移建今所國朝順治間知縣王

譽命康熙間知縣李長敏韋聖翊甘國壻教諭曾昌進黃鑒蔡龍驤重修五十二年教諭伊起璋訓導林

其黃倡捐重建文廟雍正八年知縣胡格教諭黃紹德訓導許崗重建櫺星門泮額取進名數視光

澤縣學田原額實在一十畝一分年徵租銀三兩一錢五分康熙二十一年總督姚啟聖捐置田一十

九畝六分零教諭曾昌進捐置田租二石署教諭官莊捐置田租二石五斗廩生陳天柱捐田租二十六

石書院

在縣治鼓樓之西康熙四十八年知縣區遇建

社學

一在在城保一在長興保一在

朱口保一在中溪保一在開善保今俱廢雍正二年新設二所一在縣中一在朱口保

正音書

院

在城中三賢祠內雍正七年奉文設立

汀州府

汀州府儒學

在卧龍山麓中為前為戟門戟門外為

至聖殿旁為兩廡殿儀門甬道為大門門東折入為土地祠為省牲所前

為櫺星門殿後為明倫堂為敬一亭從明倫堂左出

為崇聖祠祠內左右為名宦鄉賢祠而尊經文昌二閣前後相望焉崇聖祠後為教授廨側為兩訓導廨

射圃在府東豫備倉左先是學創於宋咸平二年天聖崇寧間屢行遷徙至紹興三年郡守鄭強始定今

所教授蕭虞韶市民地廣基開慶初郡守胡泰初重建明成化八年都御史張瑄增拓學地初四齋左志

道依仁右據德游藝知府吳文度馬坤萬振孫李自芳皆繼良唐世涵相繼修建國朝康熙二十年學

道楊鍾岳巡道周昌同知胡以渙重修二十一年知府鄢翼明繼葺泮額取進名數視福州府學田

原額實在八畝五分零年徵租銀二兩七分零康熙二十一年總督姚啟聖捐置田五十二畝七分零

書院

曰龍山書院在文厥後國朝知府王廷掄重建曰龍江書院在府西門外明知縣蕭奕輔建

馮協一朝知府社學在舊鎮正音書院在府城隍廟左馮協一重新南門外清風樓雍正七

年署府王德純奉文設立

長汀縣儒學

在府學左數十武中為兩廡前為戟門為泮池上跨石橋又前至聖殿殿東西

為櫺星門明倫堂在殿之左堂前為大門門左為土地祠祠左折入為教諭廳崇聖祠名宦鄉賢祠尊經閣敬一亭省牲所均在明倫堂後訓導廳在殿右射圃在儒學後先是宋開禧間知縣劉諒之始建學興賢門外自元至明屢燬屢遷成化八年御史洪性學道游明巡道周模知府李桓改移今所後巡道周孟中邵銳知府戴禧楊世芳潘民模唐世涵知縣謝珪黃用直祝一鑑丘民貴蕭奕輔相繼修建國朝康熙二十一年學道丁蕙巡道周昌知府鄢翼明同知胡以渙知縣韓世璿教諭王之珂重修後知縣馮忠先張文偉繼葺泮額原歲試取進文武童各十五名科試取進文章十五名雍正二年奉文准照府學歲科兩試各取進文章二十名學田原額實在二百八畝年徵租銀六十八兩六錢三分康熙二十一年總督姚啟聖捐置書院一在府城內東山一社學田一十畝四分零在府城外登俊坊

一在福壽坊一在攀桂坊一在歸陽里一在古貴里
一在青巖里一在宣河里文山寺一在宣河里金鷄
寺一在平原里東山寺一在平原里龍山寺一在青
泰里一在宣成里三州一在宣成里畚心一在四保
里一在成下里一在成
上里俱雍正二年新設

正音書院

在福壽坊東雍正七年奉文設立

寧化縣儒學

在縣治後中為至聖殿殿東西為兩廡
前為戟門為泮池為櫺星門殿左為土地

祠右為崇聖祠戟門左右為名宦鄉賢二祠殿後為
明倫堂旁為兩齋左為儀門右入為教諭訓導廨堂
後為尊經閣文昌閣櫺星門左為學門射圃在文昌
閣左漳南道舊址先是宋建炎淳熙間學屢遷明正
統十五年御史沈灼始改今所隆慶間又遷萬曆七
年守道鄭汝璧巡道彭應時復還舊址至天啟六年
規制始備國朝順治十八年知縣何鳳岐康熙二
十一年知縣祝文郁教諭謝汝霖重修泮額歲試

取進文武童各十五名科試取進文童十五名學
田原額實在二百二十畝八分零年徵租銀五十二
兩八錢七分康熙二十一年總督
姚啟聖捐置田十六畝五分零
書院在舊射圃社學在

太平巷一在東門外一在塔下街一在西門祐聖堂
一在安遠司前一在石牛驛旁雍正二年新設二所
一在龍下里
正音書院在縣城南關外雍正七年奉文設立

清流縣儒學

在縣北黃華驛舊址中為至聖殿為兩廡為戟門為櫺星門殿後為明倫堂翼以

兩齋堂右為敬一亭文昌祠魁星閣在殿左名宦鄉
賢二祠在戟門左右教諭廨在殿右訓導廨在堂左
泮池在櫺星門前轉東為學門崇聖祠在城隍廟右
射圃在豫備倉舊基先是宋元符間知縣劉叙建學
縣南復遷縣東攝縣事劉熙始遷今所凡五燬明景
泰三年知縣江稷重建巡按高明拓增地基知縣吳

中鄧邦髦同知黃色中知縣鄧應龍相繼重修國朝康熙三十八年知府王廷掄知縣王士俊倡捐重

新洋額取進名數視寧化縣學田國朝康熙二十一年總督姚啟聖捐置一十六畝七分零

學坊一東龍津坊一西進賢坊一南清德坊一北明倫坊雍正二年新設七所一在坊郭里一在倉盈里

一在永德里一在夢溪里一在四保里一在北園里一在羅村里正音書院在縣東

雍正七年奉文設立

歸化縣儒學在縣東二十里龍湖先儒楊時宅故址中為至聖殿左右為兩廡前為戟門為泮

池為櫺星門殿左為崇聖祠祠前為明倫堂殿右為先儒楊時祠前為名宦鄉賢祠又前為省牲所為神

廚神庫殿西為儀門為學門其教諭訓導廨仍在舊學射圃在城東山川壇右先是舊學在城西明溪驛

前明成化間知縣郭潤創建萬厯間改建城東天啟間改建城北後燬國朝康熙十一年知縣黃易始

詳請改建今所工未竣二十年知縣王國脉成之雍正三年知縣周畿重修泮額取進名數視寧化縣

學田原額實在二畝五分零年徵租銀七錢五分零康熙二十一年總督姚啟聖捐置田十畝二十二

年知縣王國脉書院在城東白沙橋右寇燬康熙十捐置田六畝零書院八年邑紳士蕭徽聲李珍等重

建改名社學一在廣濟街一在西門街一在石珩一文昌在薦福寺雍正二年新設四所一在歸

上里一在歸下里一在柳楊里一在中和里正音書院雍正七年奉文將城內義學改設

連城縣儒學在縣治東北中為至聖殿為東西廡為戟門為櫺星門殿後為敬一亭為崇聖祠

明倫堂在殿之左堂後為文昌閣東為教諭訓導廨前為大門泮池在櫺星門內跨以石橋名宦鄉賢祠

在戟門左右射圃在聚奎樓東先是宋紹興四年知縣陳南創後遷東南乾道間始徙今所明正德間巡道胡璉重建萬厯間屢遷知縣徐大化李待問復建國朝順治五年寇燬知縣田生玉重建康熙二年

知縣杜士晉增建四十一年知縣趙良生重葺惟名宦鄉賢二祠未修云 泮額取進名數視寧化縣

學田原額實在一十二畝三分零年徵租銀一兩二錢康熙二十一年總督姚啟聖捐置田九畝一分零

書院在蓮峯宋邱社學一在在城里一在南順里一在鱗讀書處 在北安里一在河源里一在

姑田里一在表席里 正音書院在上廟前雍正七年奉文設立

上杭縣儒學在縣城東中為至聖殿為東西廡為戟門為泮池為櫺星門旁為祭器庫典籍局

殿後為明倫堂堂左為儀門右為教諭訓導廨儀門外為青雲路為大門門左為省牲所戟門左右為名

官鄉賢祠其崇聖祠尊經閣敬一亭皆在明倫堂後
射圃在儒學東北先是宋乾道嘉定寶祐間屢建屢
遷至明嘉靖三十年知縣趙文同始定今所隆慶萬
厯間知縣周裔登鄧良佐倪應春李自華相繼重修
國朝順治十年巡道郁之章康熙十九年守道周
昌知縣蔣廷銓倡捐修葺洋額取進名數視長汀
縣學田原額實在八十六畝二分零又田二十五
畝八分零年共徵租銀三十九兩七錢七分康熙二
十一年總督姚啟聖書院曰文峯書院初名琴義學
捐置田五畝四分零岡後遷舊學改今名義學
一在城東隅一在城西隅一在城南隅
一在城北隅康熙四十七年奉文設立社學原設四
寺觀年久寢廢國朝順治十年巡道趙映來立講
藝堂於縣治前之右康熙十九年守道周昌增設二
所一在縣東北一在縣西南雍正二年新設四所一
在在城里一在來蘇里一在白砂里一在勝運里

正音書院

城鄉共一十二處雍正七年奉文設立

武平縣儒學

在縣治西中為至聖殿為東西廡前為戟門為泮池為櫺星門其旁為神厨神庫

為土地祠為宰牲所殿後為明倫堂堂左右為教諭訓導廨左為儀門前為學門堂後為敬一亭亭後為

崇聖祠戟門左右為名宦鄉賢二祠射圃在南門壩上先是舊學在縣東興賢坊宋乾道間始創紹寧淳

祐間知縣葉謙之趙汝譟林震繼修明成化十年知縣徐端始遷今所萬厯間同知熊茂松重修國朝

順治十三年知縣楊宗昌重建康熙三十年知縣裴振唐三十八年署縣趙良生相繼增修泮額取進

名數視寧化縣學田國朝康熙二社學一在城十一年總督姚啟聖捐田六畝九分零北義學

內一在象洞寨一在巖前城一在武平所一在永平寨俱雍正二年新設正音書院在城中雍正

正七年奉
文設立

永定縣儒學

在縣治西南中為至聖殿為東西廡為戟門為泮池為櫺星門殿西為明倫堂殿

後為崇聖祠祠左為敬一亭祠後為尊經五經二閣戟門左右為名宦鄉賢祠明倫堂右為教諭訓導廨射圃在儒學後先是明成化十五年副使劉城參議陳渤知縣王環教諭謝弼建其後知縣許文獻謝良任許臺相繼重修國朝康熙十八年教諭郭亨都訓導蔡祚週倡捐修葺泮額取進名數視長汀縣

學田國朝康熙二十一年年書院曰綠筠書院在總督姚啟聖捐置六畝一分零縣南掛榜山

社學

曰小學在漳南道署左曰龍岡社學在布政分司左今俱廢雍正二年新設三所一在城中文

昌祠一在豐田里一在金豐里

正音書院

在城三所在鄉五所雍正七年奉文設立

福寧府

福寧府儒學

在城東南菱湖地中為大成殿殿前為東西廡為泮池上跨石橋為戟門門左右

為名宦鄉賢祠殿後西為敬一亭又前為崇聖祠明倫堂在殿之左教授訓導宅俱在明倫堂後射圃在

西北隅廣寧倉右初宋長溪縣學在治東慶厯間徙今所元為州學明洪武二年改為縣學成化間復為

州學正德中巡按李如奎以舊御史臺為儒學徙之萬厯末知州殷之輅方孔炤仍徙今所國朝康熙

四年巡道洪若臯總兵吳萬福知州師佐修葺二十一年知州郭名遠州同朱允治學正李達可吏目陸

之騏重修泮額原歲試取進文武童各十五名科試取進文童十五名雍正二年奉文准照府學歲科

兩試各取進文童二十名學田原額實在五十八畝五分又田一十八畝年共徵租銀一十三兩八錢

三分零康熙二十一年總督姚啟聖捐置田書院曰
二十四畝知州郭名遠捐置田一十四畝零書院東

塾書院姚國秀建曰來青書院在二十五都曰東山
書院在雙劍峯以上俱廢曰正學書院在治東南祀

朱熹曰揭公書院在社學在六禪正音書院在城
文廟前祀知縣揭重熙巷今廢內西

隅雍正七年
奉文設立

霞浦縣儒學在東社集賢地中為大成殿東西兩廡
外為櫺星門雍正十二年建泮額歲試

取進文武童各十五名正音書院在城中雍正
科試取進文童十五名十二年設立

福安縣儒學在重金山之麓中為大成殿東西兩廡
南為戟門又南為櫺星門門內泮池中跨

石橋殿右為崇聖祠祠旁為名宦鄉賢二祠明倫堂
在殿之左堂西為敬一亭為文昌閣教諭宅在崇聖

祠前訓導宅在文昌閣前射圃在金山後初宋建學
龜湖山元景慶中徙邑東明正德中復遷舊址嘉靖
十三年移今所歲久明倫堂傾圯國朝知縣陳國
楨教諭李襄猷修葺康熙十一年知縣范可璉訓導
林志雲重建文昌閣二十年知縣張應薇教諭張士
吳重新二十六年知縣劉國輔雍正四年知縣傅植
重修泮額原歲試取進文武童各十二名科試取
進文童十二名雍正二年奉文准改為大學歲科兩
試各取進文童十五名學田原額實在一十三畝
一分零年徵租銀五兩六錢五分零康熙二十一年
總督姚啟聖捐置田書院曰斗南書院在縣治南曰
一十五畝九分零環溪書院在縣治西俱廢
社學一在縣樓西一在城南境三會堂今俱廢雍正
二年新設三所一在城內紫陽書院一在青雲
鋪一在正音書院在紫陽書院內雍正
北辰鋪正七年奉文設立

寧德縣儒學

在縣城南隅右為文廟廟前為東西廡廟後為崇聖祠廟左右為名宦鄉賢二祠

左為明倫堂堂南為儀門又南為泮池教諭訓導宅俱在明倫堂左文昌閣在學後山頂射圃在南關外

山川壇後學自宋嘉祐三年始建講堂歷崇寧乾道紹定及元至正間俱有修建明洪武間火知縣闕可

成重建正德年間又火知縣熊翀重建嘉靖間明倫堂燬於倭知縣林時芳重建國朝康熙九年知縣

李拔尤訓導許兆高修葺文廟二十二年知縣閻達禹新之又重建明倫堂後學門復圯教諭嚴錡訓

導廖南彥重修雍正五年知縣王祚昌七年署縣張廷球相繼重葺津額歲試取進文武童各十二名

科試取進文童十二名學田原額實在一十八畝二分零又田四十畝四分零年共徵租銀一十兩四

錢四分康熙二十一年總督姚啟聖捐置田一十二畝七分零

書院

曰廣福書院在四都曰靈溪書院宋大觀社學
二年建曰晦庵書院在察院西以上俱廢

舊二所俱燬於倭國朝康熙間知縣
閻達禹重建雍正二年新設在城坊
正音書院在明

倫堂右雍正七年奉文設立

壽寧縣儒學

在縣治東中為大成殿東西兩廡前為
戟門名宦祠在戟門左鄉賢祠在戟門右

又前為櫺星門泮池在櫺星門內架石為梁殿後為
崇聖祠左為明倫堂堂下為東西齋前為儀門又前
為儒林門文昌閣在明倫堂左廡倉廚庫俱備射圃
在分司西隅學創於明景泰六年與縣同建嘉靖崇
禎間屢行增闢國朝順治九年知縣李滋生建鄉
賢祠康熙二十六年知縣趙廷璣改建明倫堂崇聖
祠泮額歲試取進文武童各八名科試取進文童
八名學田原額實在二十一畝三分年徵租銀八

兩九錢二分康熙二十一年總督姚啟聖捐置田科
民米二石六升一合又教諭王錫貞捐置田科民米
六斗
義學在文廟左康熙間
社學一在托溪堡一在
零
淳地堡一在南溪堡一在
斜灘堡俱雍正二年新設
正音書院在縣城南雍正
七年奉文設立

臺灣府

臺灣府儒學

在府治西南寧南坊中為大成殿東西
兩廡前為儀門又前為櫺星門泮池在櫺

星門外大成門右池東西門外左右泮宮明倫堂
在殿之左朱熹祠在堂之左文昌閣在祠之後崇聖

祠在大成殿後并為教官廨鄭氏時廟制未備
國朝康熙二十四年巡道周昌知府蔣毓英捐貲增

建三十九年巡道王之麟勸建明倫堂五十一年巡
道陳瓚重修大成殿泮額取進名數視福州府

學田 國朝康熙二十三年知府蔣毓英捐置書
田五甲坐產臺灣文賢里年徵租二十一石二斗

院 曰海東書院在文廟義學在府治前東南康熙
右康熙五十九年建 四十五年知府衛台

揆建 土番各社學 雍正十一年設

臺灣縣儒學 在東安坊中為文廟翼以兩廡前為廟
門又前為泮池後為崇聖祠祠左為名宦

祠右為鄉賢祠明倫堂在文廟之右前為學門後
為教官廨學自國朝康熙二十三年知縣沈朝聘

始建後知縣王兆陞重修四十二年知縣陳瓚建
明倫堂修葺文廟設義路禮門於廟之東西五十

四年巡道陳瓚重建崇聖祠淑設齋舍署縣同知王
禮重新學廟知縣俞兆岳教諭鄭長濟捐濬泮池雍正

正元年知縣周鍾瑄重加修葺泮額歲試取進文
武童各十二名科試取進文童十二名學田下則

園一所坐產永康里嵌頂年徵義學在府治東康熙
組穀輸正供外實存二十石零

王仕俊建正音書院在縣治左雍正
七年奉文設立土番各社社學雍正
十一

年設

鳳山縣儒學

在縣治興隆庄中為大成殿東西兩廡
前為戟門又前為櫺星門門前為泮池殿

後為崇聖祠教官廨在文廟旁學自國朝康熙
二十三年知縣楊芳聲始建四十二年知縣宋永清

重建五十八年知縣李丕煜重新雍正七年知縣熊
琴教諭郭際謀重修文廟新建戟門惟明倫堂尚

未備云泮額取進名數視臺灣縣學田一在赤
山庄下則園十甲康熙二十六年教諭黃賜英捐置

一在嘉祥里下則園二十甲又四十八年知縣宋永
清捐置硠磳水土番園中則園九十甲六分零年徵

租穀修理義學在興隆庄縣治東社學在土斷理
文廟國朝知縣宋永清建國朝知

府蔣毓正音書院在縣治東門內雍正
英建正七年奉文設立土番各社社學

雍正十
一年設

諸羅縣儒學

在縣西門外中為大成殿東西兩廡東
廡下為宿齋所西廡下為藏器庫前為戟

門門左為名宦祠右為鄉賢祠又前為櫺星門門外
為泮池東為禮門西為義路殿後為崇聖祠祠左為

明倫堂右為文昌閣學原在善化里西保國朝康
熙四十年署縣宋永清始定今所其後知縣毛殿

題署縣同知孫元衡巡道王敏政知府衛台揆參將
張國教諭孫襄各有增建五十四年知縣周鍾瑄參

將阮蔡文重新大成殿崇聖祠新建東西廡戟門
明倫堂名宦鄉賢文昌三祠雍正八年知縣劉良璧

馮盡善教諭李倪昱復加修葺惟教官廨
尚未備云 泮額取進名數視臺灣縣
義學在縣治右

國朝知縣社學在邑里漢庄者八一在縣內紅毛
周鍾瑄建井邊一在新化里八竈庄一在善

化里關帝廟後一在開化里觀音宮一在安定里姑
媽廟一在打描後庄一在斗六門庄一在半線庄營

盤邊在番社者八一在新港社一在目加溜灣社一
在蕭壠社一在麻豆社一在諸羅山社一在打描社

一在哆囉囑社一在大武壠社 國朝
知縣劉作楫樊維屏周鍾瑄先後創建
正音書院在縣

治東南雍正七年奉文設立
土番各社社學雍正十一年設

彰化縣儒學在縣治東北坊中為大成殿東西兩廡
前為櫺星門崇聖祠明倫堂俱備教官廨

在明倫堂之後 國朝雍正三年奉文新建 泮額
歲試取進文武童各八名科試取進文童八名 學

田坐產猫霧揀上脚土名凹餅計田五十一甲六分
零年徵租穀三百九石六斗零照官庄折銀一百二
十三兩八錢四分零
土番各社學雍正十一年設

永春州

永春州儒學

在州治東隅中為大成殿前為東西兩廡為露臺戟門左右名宦鄉賢二祠中為

泮池扶以石欄明倫堂崇聖祠尊經閣俱在
殿左先是學在郭外東渡橋西宋大觀間知縣留鎔
遷於知政橋北其後屢有更移明嘉靖間燬於倭知
縣謝襄建於縣治東其後知縣陳九儀邑諸生李陽
初知縣范時化教諭陶宗器屢加修建國朝順治
初燬於寇康熙元年知縣馬生麟重修其後知縣鄭
功勳石如金教諭蔡祚週郭濤相繼修葺雍正二年
知縣于翰翊教諭張壽介復葺而新之泮額原歲

試取進文十二武八名雍正十二年奉文升縣為州
歲試取進文十五名武仍舊科試取進文童十五名

學田原額九十九畝五分年徵租銀六兩四錢又
田二十九畝七分零年徵租銀一十一兩九錢一分

零康熙二十一年總督姚啟聖捐置田七畝九分零
知縣鄭功勲捐置田三畝四分零教諭蔡祚週捐置

田一畝
書院曰文公
社學曰文興曰雲龍曰迎暉曰
八分零
書院書院西門曰儒林曰上場曰龜

龍曰壽峯曰長安曰文章曰西陵曰五峯曰蓬
壺今俱廢雍正二年新設在二十五都華嚴室
正音

書院
一在文昌閣一在文公祠一在
金峯山雍正七年奉文設立

德化縣儒學
在縣城西北大洋山之陽中為大成殿
次儀門次廟門東為明倫堂又東為崇聖

祠次名宦祠前教諭廨西為尊經閣閣下祀朱熹前
為射圃又西為敬一亭次鄉賢祠前訓導廨先是學

為縣治東自宋元迄明遷徙更易不一至萬厯元年知縣秦霑始定今所後知縣吳一麟周祐相繼修葺

泮額取進文十二武八名學田實在三十三畝九分零又田二十六畝九分零年共徵租銀二十一

兩三錢八分康熙二十一年總督姚啟聖捐置田八畝六分零知縣王之紀捐置田三畝二分零教官鄭

默捐置田一書院曰丁溪書院在縣前南壇社學曰畝一分零書院在曰紫陽書院在縣治西社學曰

鄉曰濟山曰南洋曰朱紫曰梅峯曰三峯曰桂林曰萬峯曰伏虎曰瑞科今俱廢雍正二年新設在石傑

社正音書院在鳳翥山麓雍正七年奉文設立

大田縣儒學在縣治左鳳凰山下右為文廟左為明倫堂之前東為進德齋西為修業齋

之南北為號舍射圃在文廟之左堂之後左為教諭廨右為訓導廨堂之南為儀門門左為倉基門之

前為泮池又前為正門學在明嘉靖間推官胡椿知縣謝廷訓屢有增闢國朝順治初燬於寇康熙二

十三年知縣葉振甲重建雍正八年知縣李業倡捐修葺泮額歲試取進文武童各十二名科試進文

童十二名學田原額實在五十七畝四分零年徵租銀一十七兩二錢一分零康熙二十一年總督姚

啟聖捐置苗田逐年收穀一百斗社學原二所一在除納正供外實存穀九十二斗鎮東橋一在

北門雍正二年新設二所正音書院在城西察院舊一在鷺峯寺一在桃源店址雍正七年奉

文設立

龍巖州

龍巖州儒學

在州治西中為大成殿左右兩廡殿南為戟門門左右為大魁土地祠門外西為

省牲所又南為櫺星門門內為泮池源自城西門入
流從東門出名為秀水殿後為明倫堂及兩廊號舍
神厨祭器庫俱在堂左由左廊中出為儀門及大門
甬道由右廊中入為教官宅宅前為名宦鄉賢祠文
天祥祠朱熹祠文昌祠及敬一亭明倫堂後為崇聖
祠祠左為尊經閣閣後為觀德亭亭北為射圃圃外
為學倉宋皇祐初學建於縣東尋遷於南大觀間知
縣石復又遷於縣東建炎間知縣方世功又遷於東
門外後縣丞李永曾秘繼修之開禧二年知縣張汝
勉徙今所元縣尹李瑀明知縣吳子昇胡晟僉事陳
祚知縣韋濟陶博黃廷珪僉事胡璉知縣余成陳瀛
楊相吳守忠鄧藩錫相繼增建國朝順治初知縣
王有容重修後復傾壞康熙十九年庠士改建重修
二十年知縣左峴教諭陳正朔二十五年知縣江藻
四十知縣王如岳教諭蔡時升訓導陳啟祖游
濂先後倡捐修葺津額歲試取進文武童各十八

名科試取進文童十八名學田原額實在八十二畝五分零年徵租銀九兩八錢零康熙二十一年總督姚啟聖捐置田四畝八分零義民邱穀之捐租十八石諸生陳邦耀捐租三十二石二斗七升五合劉廷球捐租九書院曰龍巖書院在縣外曰文峯書院石以充修學書院在下井巷內曰黃巖書院在黃巖山今俱廢社學共二十所今多廢雍正二年新設八所一在湖洋社一在江山社一在東肖社一在黃坑社一在適中社其在集賢里二所曰東西洋曰水口今分屬寧洋縣又王氏義正音書院在縣東門內雍正學在留暉門外七年奉文設立

漳平縣儒學

在縣治右中為大成殿左右兩廡次於兩廡下為神厨為神庫前為戟門門外為

泮池省牲所在池右池前為櫺星門殿之左為明倫堂左右兩廊前為儀門為大門堂後為教諭廨西偏

為訓導廨崇聖祠在明倫堂之後左為名宦祠右為鄉賢祠又右為布衣祠射圃在官廨之後學始於明成化間同知蔣濬知縣陳栗創建後知縣李斌汪鐸照磨傅華經厯沈松主簿周全朱召知縣章述傳文勲彭玘教諭何九雲屢有增建國朝康熙十一年知縣趙震陽改泮池於櫺星門內二十二年督學丁蕙知縣查繼純二十三年知縣楊于蕃捐俸重修泮額取進名數視龍巖州學田原額實在二十二畝七分零年徵租銀二兩三錢八分康熙二十一年總督姚啟聖捐置租穀二百六十四斗知縣查繼純捐置租穀書院曰心源精舍在社學在李公祠內雍正十五年羅書院縣治東南隅

正音書院

一在城內龍門書院一在感化里溪南社一在永福里留田社一在居仁里桂林社

一在和睦里西埔社俱雍正七年奉文設立

寧洋縣儒學

在縣治西中為大成殿東西兩廡前為戟門門左為名宦祠右為鄉賢祠東為省

牲所前為櫺星門又前為泮池崇聖祠在殿後殿之西為明倫堂翼以居仁由義兩齋前為儀門又前為

大門堂左右為神厨祭器庫堂之西為教官廨學始於明隆慶間知縣董良佐建於縣西南隅後知縣鄧

于蕃改建今所知縣宗棟增建坊表國朝順治十一年燬於寇十二年知縣蕭蕭亮重建大成殿十八

年重建明倫堂康熙二十二年知縣王時泰五十二年知縣王登賢先後重修津額歲試取進文武童

各八名科試取進文童八名學田國朝康熙二十一年總督姚啟聖捐置八畝五分知縣王時泰捐

置二書院曰豫章書院在永寧里蚌口曰義學一在東門

內一在社學一在縣南門一在嶺兜一在黃土坪一在蚌口一在水口一在林口一在南坑

一在洪沙口邊雍正二年新設二所一
在城內功德祠一在集寧里通真庵
正音書院在

門內文昌宮雍正
七年奉文設立



福建通志卷十八